

詩

經

說

約

詩經說約卷之二十七

太倉顧夢麟纂述

常熟楊 葵泰訂

魯頌四之四

魯○少○皞○之○墟○在○禹○貢○徐○州○蒙○羽○之○野○成○王○以○封○周○公○長○子○
伯○禽○今○襲○慶○東○平○府○沂○密○海○等○州○即○其○地○也○成○王○以○周○公○
有○大○勲○勞○於○天○下○故○賜○伯○禽○以○天○子○之○禮○樂○魯○於○是○乎○有○
頌○以○為○廟○樂○其○後○又○自○作○詩○以○美○其○君○亦○謂○之○頌○舊○說○皆○
以○為○伯○禽○十○九○世○孫○僖○公○申○之○詩○今○無○所○考○獨○闕○宮○一○篇○

為傳公之詩無疑耳。夫以其詩之僭如此。然夫子猶錄之者。蓋其體固列國之風。而所歌者乃當時之事。則猶未純於天子之頌。若其所歌之事。又皆有先王禮樂教化之遺意焉。則其文疑若猶可予也。况夫子魯人。亦安得而削之哉。然固其實而著之。而其是非得失。自有不可捨者。亦春秋之法也。或曰。魯之無風。何也。先儒以為時王褒周公之後。比於先代。故巡守不陳其詩。而其篇第不列於大師之職。是以宋魯無風。其或然歟。或謂夫子有所諱。而削之。則左氏所記當時列國大夫賦詩。及吳季子觀周樂。皆無曰。

魯風者其說不得通矣。

孔疏定四年左傳祝佗曰命伯禽封於少皞之墟。明堂位曰封周公於曲阜。少皞之墟即曲阜也。漢書地理志云周興以少皞之墟曲阜封周公子伯禽為魯侯。以為周公主。應劭云曲阜在魯城中。委曲長七八里。雜語言七年冬周公致政成王時事。其經云烝祭歲。文王騂牛一。武王騂牛一。王命作冊。逸祝冊。惟告周公。其後注云謂將封伯禽也。史記魯世家云武王既克殷。封周公旦於少皞之墟曲阜。是為魯公。周公不就封。於是宰相成王。而使其子伯禽代。

就封於魯。然則周公於武王之時已受魯封。但身不之魯。使伯禽就國。至歸政之後。成王乃大啟土宇。令地方七百。里。魯之封疆於是始定。世家又云。伯禽卒。子考公首立。卒。弟熙立。是為煬公。卒。子幽公宰立。十四年。弟潰弑幽公而立。是為魏公。卒。子厲公權立。卒。魯人立其弟具。是為獻公。卒。子真公漚立。卒。弟敖立。是為武公。卒。子戲立。是為懿公。九年。兄括之子伯御與魯人攻殺懿公而立伯御為君。十一年。周宣王伐魯。殺伯御。乃立懿公弟稱。是為孝公。卒。子弟湟立。是為惠公。卒。子息姑攝行君事。是為隱公。十一年冬。

公子肇殺隱公，立其弟允為君，是為桓公。十八年卒，立太子同，是為莊公。三十二年卒，立子開為閔公，立其卒。於是季友奉公子申立之，是為僖公。終周公數之為十九世。僖公以惠王十九年即位，襄王二十二年薨，是當周惠王襄王時也。

大全：嚴慶府、今兗州府、東平府、今東平州、海州、今寧海州、密州、今高密縣、與沂州並隸山東。

麟按：豐氏正說云：伯禽、疏魯公、卒、弟煬公、庶立，是無考公。首也。魏公濟正說作魏公費，武公教作武公，教孝公子，弟

禮○作○弗○涅○公○子○翬○殺○隱○公○作○隱○公○為○桓○公○軌○所○殺○桓○名○亦
不○云○免○也○正○說○又○云○莊○公○卒○子○緄○立○嫡○母○哀○姜○及○公○子○慶
父○弒○緄○而○立○莊○公○幼○子○閔○公○啟○又○弒○之○公○子○友○立○閔○公○兄
申○是○為○僖○公○固○有○種○種○之○不○同○考○補○則○又○云○伯○禽○一○曰○禽
父○在○魯○公○位○五○十○三○年○煬○公○六○年○出○公○十○四○年○魏○公○五○十
年○厲○公○三○十○七○年○獻○公○三○十○二○年○真○公○三○十○年○武○公○九○年
懿○公○九○年○伯○御○十○二○年○孝○公○二○十○七○年○惠○公○四○十○六○年○隱
公○十○一○年○桓○公○十○八○年○莊○公○三○十○六○年○哀○姜○莊○公○夫○人○齊
襄○公○女○閔○公○哀○姜○姊○妹○姜○所○出○立○二○年○僖○公○莊○公○妻○成○風

所出。在位三十三年。○今據子洽通略。桓公本名允。春秋
貫玉則云名執。史記名允。是有二名也。數本古敖字。啟之
為開。即諱字耳。惠公弟湟。豐氏作弗。湟必豐氏。是疏云。閔
公立其卒。此立其卒三字亦誤。當是二年卒也。類考引詩
史前編云。魯公三傳。至幽公。宰弟魏公。潰。殺之。費當作潰。
而三傳即有考公。解一惑矣。然幽之與幽。又孰庚與。豈益
法無幽公。而詩史前編者。又與魯自伯禽。至僖十九世。
被弑者。接踵。然於潰乎始之矣。時無討之者。故朱子謂周
綱陵夷。自昭王原本之論也。

駟駟牡馬在坳之野。傳言駟者有騶有皇有驪有黃。以車彭彭思無疆。思馬斯臧。

賦也。駟駟腹幹肥張貌。邑外謂之郊。郊外謂之牧。牧外謂之野。

野外謂之林。林外謂之坳。騶馬白跨曰騶。黃白曰皇。純黑曰驪。

黃駟曰黃。彭彭盛貌。思無疆言其思之深廣無窮也。臧善也。

此詩言傳公牧馬之盛。由其立心之遠。故美之曰思無疆。則思

馬斯臧矣。衛文公東心塞洲而跡牝三千亦此意也。

鄭笺必牧於坳野者。避民居與良田也。

孔疏腹謂馬肚。幹謂馬脅。宣十五年左傳曰。雖鞭之長不及馬。

腹謂鞞馬肚也。莊元年公羊傳曰：拉公幹而殺之，謂折公脅也。肥張者充而張大，故其色駟駟然，是馬肥之貌耳。釋畜云：驪馬白跨，驪，孫炎曰：驪，黑色也。白跨，股脚白也。郭璞云：跨，髀間也。然則跨者，兩跨據之處，謂髀間白也。釋畜又云：黃白皇，舍人曰：黃白色，雜名皇也。純驪與黃，則爾雅無文。月令孟冬云：駕鐵驪，乘時之色。檀弓云：夏后氏尚黑，戎事乘驪，故知純黑曰驪。爾雅黃白皇，謂黃而雜白者，名之為皇，則黃而赤色者，直明為黃明矣。故知黃驪曰黃，驪者赤色，謂黃而雜赤者也。疏義以之駕車，則豈豈然。

大全慶源輔氏曰。僖公當作魯侯。前云唯閔宮一篇為僖公之詩。餘則無可考。則不應於此定以為僖公也。夫人立心既遠。則所成必厚。大凡富厚之事。率非輕易浮淺者之所能致。說通薄言。略舉之辭。略舉而已。無不有言。盛也。思無疆。非必為馬也。萬事通馬。思馬斯滅矣。滅即彭彭也。下放此。麟按古義。馬野者。馬韻餘俱陽韻。彭集傳叶鋪郎反也。前駟至彭彭三句一連。六句一截。後二句另。一截。

○駟駟牡馬。在坰之野。薄言駟者。有騶有駟。有驛有騏。以車任任。思無期。思馬斯才。

賦也。倉白雜毛曰騅。黃白雜毛曰駮。赤黃曰駮。青黑曰駮。任作有力也。無期猶無疆也。才材力也。
孔疏釋畜云。倉白雜毛騅。郭璞曰。即今騅馬也。又云。黃白雜毛駮。郭璞曰。今之挑華馬也。此二者皆云雜毛。是禮有二種之色。相間雜。上云黃白曰皇。黃駮曰黃。止一毛色之中自有淺深。與此二色者異。故不云雜毛也。其駮騅。爾雅無文。周人尚赤。而牲用駮剛。禮稱陽祀用駮牲。是駮為純赤也。言赤黃者。謂赤而微黃。其色辨明者也。上云黃駮曰黃。謂黃而微赤。此其所以異也。
古義毛云。蒼祺曰駮。孔云。祺者。黑色之名。蒼祺。謂青而微黑。今

之聽馬也。

麟按集傳才叶前西反古義駟騏以下支韻。

○駟駟牡馬在何之野薄言何者有駟有駘有駟有騏以車緹緹思無教思馬斯作。

賦也青驪驪曰驪色有深淺斑駁如魚鱗今之連錢驄也白馬黑鬣曰駘赤身黑鬣曰駟黑身白鬣曰騏緹緹不絕類教厥也作奮起也。

孔疏釋畜云青驪驪驪孫炎云色有淺深似魚鱗也郭璞曰色有深淺斑駁隱鄰今之連錢驄也又云白馬黑鬣駘郭璞引禮

記曰夏后氏駱馬黑鬣謂馬之駿也其駢雅爾雅無文爾雅有駢曰駢駢馬黃脊鬣則駢是色名說者以駢為赤色若身鬣俱赤則駢馬故為赤身黑鬣曰駢即今之駢馬也黑身白鬣曰雜則未知所出

古義駢說文云青驥白麟文如墨魚駱爾雅以為白馬黑鬣說文云馬白色黑鬣尾也韓詩及字林以為黑鬣鬣者鬣尾之謂廣雅又以為白馬朱鬣陸佃云今呼黃馬尾鬣一道通黑如界者為駱蓋馬無分於黃白皆謂之駱若今夜春駱健故曰駱也明堂位曰夏后氏駱馬黑鬣此以別白馬朱鬣之駱也月令曰

孟春駕白駟。此以別黃馬黑鬣之駟也。駟本作騶。說文云。赤馬黑毛尾也。羅頌云。月令五時駕馬。而駟處其二。春蒼龍。秋白駟。冬鐵驥。夏用赤駟。中央用黃駟。中央寓於季夏。故所用物同。而以色之淺深為之別也。毛云。黑身白鬣曰維。孔謂此義未知所出。愚按維乃鳥名。即鴝鶒也。疑馬之色似之。故以為名。

麟按集傳。駟。駟。並叶弋灼反。古義駟驂以下。樂韻。

○駟。駟。牡馬。在柙之野。傳言駟者。有駟。有駟。有驪。有驪。有驪。以車祛祛。思無邪。思馬斯祖。

賦也。陰白雜毛曰駟。陰。淺黑色。今泥驄也。形白雜毛曰駟。蒙帝

曰驛、毫在爵而白也。二目白曰魚、似魚目也。祛祛、強健也。但行也。孔子曰詩三百一言以蔽之曰思無邪。蓋詩之言美惡不同。或勸或懲。皆有以使人得其情性之正。然其明白簡切。通於上下。未有若此言者。故特稱之。以為可當三百篇之義。以其要為不過乎此也。學者誠能深味其言而審於念慮之間。必使無所思而不出於正。則日用云為。莫非天理之流行矣。蘇氏曰。昔之為詩者。未必知此也。孔子讀詩至此。而有合於其心焉。是以取之。蓋斷章云爾。

釋文。說文云。赤白雜色。文似鯪魚。有魚如字。字書作鯪。字林

作臙音竝同

孔疏釋畜云形白雜毛駁舍人曰赤白雜毛今謂馬名駁郭璞云形赤也即今謂白馬是也又云一目白間二目白魚舍人曰一目白曰間兩目白為魚郭璞曰似魚目也其駁爾雅無文說文云駁散也郭璞曰駁脚脰然則駁者漆下之名釋畜云四駁皆白駘無蒙駘白之名傳言蒙駘白者蓋謂蒙毛在駘而白長名為駘也駘則四駁雜白而毛短故與駘異也

六帖思無邪是本子凡思出作正便無厭駁便不淺近舊說如此看來亦未必然為此說者亦因夫子一言以絞之義遂欲歸

重此句殆所謂伯樂一顧價增什倍。豈非矮人看場可笑之甚也。大凡古人引詩都是借詩為用。不宜以彼之說便謂詩人之旨。譬如清泉於此。或為羹。或為酒。任汝用去。若欲求水。却要尋取清泉。不容殘汁剩醜。便作水看。成也。

古義論語子曰詩三百一言以蔽之曰思無邪。按今詩三百五篇。然當正考甫未得商頌之時。惟有國風及小大二雅周魯二頌而已。除今商頌五篇恰足三百之數。是知詩三百之云。非兼商頌言也。故王通有曰詩三百始終於周。正謂此也。

麟按集傳駁叶洪孤反邪叶祥余反古義駁魚以下魚韻。

駟四章章八句

有駟有駟、彼乘黃、風夜在公、在公明明、振振鷺、鷺于下、鼓咽咽、醉言舞、于胥樂兮。

興也。駟馬肥強貌。明明，辨治也。振振，羣飛貌。鷺，鷺羽舞者所持。或坐或伏，如鷺之下也。咽與淵同，鼓聲之深長也。或曰鷺亦興也。胥相也。醉而起舞以相樂也。此燕飲而頌禱之詞也。

疏義：詩人正道燕飲之事，非美其人之乘黃也。但言乘黃為起語，而疊用駟字，與在公二字相呼應耳。

大全安成劉氏曰：此為燕飲之詩，唯卒章自今以始以下，則頌

禱之辭也。

麟按明明辨治。依通解。飲酒威儀邊說。為正。若依本義。及疏義。云脩明職事。雖較冠冕。却與下在公飲酒在公載燕語事不稱。兩鷺字上鷺羽下如鷺。注明醉而起舞。又非舞者舞字。正謂君臣。故下曰于胥也。集傳明叶謨郎反。下叶後五反。古義黃明陽韻。下舞摩韻。六帖云。末句獨韻。故古義亦云。結句三章同文。不用韻。

○有駉有駉、駉彼乘牡、風夜在公、在公飲酒、振振鷺、鷺于飛、鼓咽咽、醉言歸、于胥樂兮。

與也。鷺于飛，舞者振作，鷺羽如飛也。

古義牡酒有韻，飛歸微韻。

○有駟有駟，駟彼乘駟，夙夜在公，在公載燕，自今以始，歲其有君，子有穀，詒孫子，于胥樂兮。

與也。青驪曰駟，今鐵驄也。載則也。有有年也。穀，善也。或曰：祿也。

貽，遺也。頌禱之詞也。

孔疏釋畜云：青驪，駟。孫炎曰：色青黑之間。

通解在公明明飲酒，載燕俱重君一邊言。

麟按集傳有叶羽已反。古義駟燕，震韻有子紙韻。

有賦三章章九句

思樂泮水。薄采其芹。魯侯戾止。言觀其旂。其旂芾芾。鸞聲嘒嘒。無小無大。從公于邁。

賦其事以起興也。思發語辭也。泮水泮宮之水也。諸侯之學鄉射之宮。謂之泮宮。其東西南方有水。形如半壁。以其半於辟廡。故曰泮水。而宮亦以名也。芹水菜也。戾至也。芾芾飛揚也。嘒嘒和也。此飲於泮宮而頌禱之詞也。

毛傳天子辟廡諸侯泮宮

辟廡辟廡者築土雖水之外。圓如壁。四方來觀者均也。泮之事

半也。半水者。臺東西門以南通水。北無也。天子諸侯宮異制。同形然。

孔疏釋詁云。內倍好謂之壁。孫炎云。內身也好。孔也。身大而孔小。然則壁體圓而內有孔。此水亦圓而內有地。是其形如壁也。圓既中規。而望水內。則遠近之路等。故四方來觀者均。言均。得所視也。此箋言築土壅水。四方來觀者均。說水之外畔。靈臺傳云。水旋丘以節觀者。說水之中央。所據不同。互相發見也。言四方來觀者均。則辟廡之宮。內有館舍。外無墻院也。後漢書稱光武中元二年初。載建三廡。明帝即位。親行其禮。天子始冠通天。

衣日月、備法物之駕、威清道之儀、坐明堂而朝羣臣、登靈臺以望雲物、袒割辟廡之上、尊養三老五更、饗射禮畢、帝正坐自講、諸儒問難於前、冠帶縉紳之人、圍橋門而觀聽者、蓋億萬計、是由外無牆院、故得圍門觀之也、天子之宮形既如壁、則諸侯宮制當異矣、而泮為名、則泮是其制、故云泮之言半、半水者蓋東西門以南通水、北無也、

疏義此在泮水、見魯侯之來、故可陳其事、而就用采芹觀游為相應之語也。

大全本草曰、水蘄一名水葵、可作蔬、味甘、○安成劉氏曰、首車

本其始而言魯侯與其衆至泮宮也。三章以後然後言飲酒饗
禱之事。

麟按無小無大。鄭氏以臣之尊卑言。李氏以國之長幼言。通解
炤有德有造則亦長幼之義也。章法四句截然。前三章於第五
句各作一組大約與大雅文王第二章以下規制相似。集傳旂
叶其斤反。統義大全。茂叶蒲害反。歲叶呼會反。

○恩樂泮水。薄采其藻。魯侯戾止。其馬蹻蹻。其馬蹻蹻。其音昭昭。
載色載笑。匪怒伊教。

賦其事以起興也。蹻蹻威貌。色和顏色也。

蘇傳好其顏色。和其笑語。未嘗有所怒也。教之而已。

呂記曹氏曰。猶夫子循循然善教人也。

大全慶源輔氏曰。其音昭昭。集傳遺此一句解。鄭氏謂傳公之德音者是也。故下面說載色載笑。匪怒伊教。以見善於教人。載色載笑。王氏以為洪範所謂而康而色者亦是也。

麟按集傳昭叶之統反。

○思樂泮水。薄采其芣。魯侯戾止。在泮飲酒。既飲旨酒。永錫鞶褱。順彼長道。屈此羣醜。

賦其事以起興也。芣。芣也。葉大如手。赤圓而滑。江南人謂之

尊菜者也。長道猶大道也。屈服醜賤也。此章以下皆頌禱之詞也。

孔疏在泮飲酒謂召先生長者與之行飲酒之禮。

蘇傳夫苟無其人雖有其道不能從也苟無其道雖有其衆不能服也是以顧公之難老也。

嚴緝曹氏曰醜人有節植麋鷄以為朝事之豆。

通解詩人頌禱其君欲其服淮夷而必先言服本國者蓋必內治然後可外攘也。

古義節宜雜緝鯉為羹又宜老人。

麟按釋文節音卯徐音柳集傳老叶魯呢反古義有額

○穆穆魯侯敬明其德敬慎威儀維民之則允文允武昭假烈祖靡有不孝自求伊祐

賦也昭明也假與格同烈祖周公魯公也

疏義祖以烈稱則文武之德可知其備矣魯侯信有文武之德以昭格之則能蓋夫總述之孝而福自我致矣此正以起下四章之意

麟按此章以下亦俱兩句一連四句一截說安成劉氏注化其民孝其祖以享福祿不可依○古義德則穢額武祖祐摩額

○明明魯侯克明其德既作泮宮淮夷攸服矯矯虎臣在泮獻猷
淑問如皋陶在泮獻囚

賦也矯矯武貌猷所格者之左耳也淑善也問訊囚也囚所虜
獲者蓋古者出兵受成於學及其反也釋奠於學而以訊敵告
故詩人因魯侯之在泮而頌其有是功也

孔疏猷獲也謂臨陣格殺之取其耳也囚生執而係虜之玉制
云天子將出征受成於學出征執有罪反釋奠於學以訊敵告
注云釋菜奠幣禮先師是將出則謀於學而後行反則禮先師
以告克

蘇緝自此以下皆頌禘之詞。非有實事。

既義上章之禘。因敬慎而為起。此章之明明。因明德而為起。以德服人。尊矣未必有此也。祝頌之爾。

大全安成劉大曰。司馬公曰。受成。敬。其不在學。所以然者。欲其先禮義而後勇力也。君子有勇而無義為亂。小人有勇而無義為盜。若專訓之以勇力。而不使之知禮義。其可不為矣。

講意因淮夷世為魯患。故此下皆頌服淮夷之事。

六帖。虎作泮宮。則受成有其地。厥功有其所。○王制注。受成。決其謀也。下四句。重厥功。不重得人。

說通作伴官而淮夷服。非必以文治也。形容氣象改觀之詞。虎

往四句。正言服淮夷之事。

麟按集傳。服叶蒲北反。陶叶夷周反。古義德服。服亦職。胡陶。因

尤韻。皋陶字或作姦。絲。

○濟濟多士。克廣德心。桓桓于征。狄彼東南。烝烝皇皇。不吳不揚。

不告于訕。在泮獻功。

賦也。廣。推而大之也。德心。善意也。狄。猶過也。東南。謂淮夷也。烝

烝。皇皇。威也。不吳。不揚。肅也。不告于訕。師克而和不事功也。

釋文。伏遠也。

蘇傳古逸通

蘇氏曰。揆而造之。○李氏曰。其並進而擢獻也。悉悉然。其合衆而為大也。皇皇然。揚。輕揚也。○吳。解見絲衣。○箋曰。訟。訟也。○無有告於治訟之官者。無爭訟也。唯在津官之內。獻其獻功而已。

麟按集傳。南叶尼心反。古義心南。侵韻。皇揚。揚。約。約。功。東韻。

○角弓其猷。來其搜。戎車孔博。徒御無斁。既克淮夷。孔淑不逆。式固爾猶。淮夷卒獲。

賦也。猷。号健貌。五十矢為束。或曰百矢也。搜。矢。彘。彘也。博。廣大。

也。無殺言親勸也。送，違命也。蓋能審固其謀，猶則准夷終無不

獲矣。

鄭箋：徒，徒行者。御，御車者。

蕪傳：言兵戎精繕，士卒親勸，故能克准夷。甚善而不送。君子於

是告之，使益固其道，庶幾准夷可以盡得也。

麟按：卒字，子由說盡集傳說終稍異。然無不內有盡字也。孔泚

不送，大全王注言無復作惡而順以服。當定指准夷，不指魯侯。

古義：缺搜光韻，致送獲陌韻。

○ 翩彼飛鴻，集于泮林。食我桑黹，懷我好音。憬彼淮夷，來獻其琛。

元龜象齒大賂南金

興也、鴉、惡、赫之鳥也、然、桑、寶也、慄、覺、悟也、琛、寶也、元龜尺二寸、賂、遺也、南金、荆、揚之金也、此章前四句興、後四句如、行、葦、首、章之例也。

孔疏會人曰、美寶曰琛、來獻其琛、愬言獻寶、其龜象南金、還是寶中之別、以其物貴、特奉而言、其獻非唯此等也、漢書食貨志云、龜不盈尺、不得為寶、此言元龜、龜之大者、荆揚之州、於諸州最處南偏、又此二州出金、今云南金、故知南謂荆揚也、禹貢徐州淮夷、璜、珠、泊、魚、則淮夷居在徐州、貨唯珠、魚而已、其土不出

龜象其國不屬荆揚。而得有龜象南金獻於魯者。禹貢所陳。謂常貢天子土地所出。此則伐而克之。整以賂魯。其國先得此寶。以其國寶為獻。非是淮夷之地。出此物也。

疏義。鳩鴉惡鳥也。而懷我以好音。淮夷惡類也。而來獻其所育。則化惡為善矣。

通解。翻字與憬字相呼。

古義。說文云。森。其之黑也。其有黑白二種。以黑者為美。為貢。荆州九江納錫大龜。秦齒禹貢荆揚二州皆有之。

麟按。續珠泊魚之泊。書本作登。蔡傳及也。續蚌之別名也。珠為

服飾魚用祭祀

泮水八章章八句

閔宮有恤、實實枚枚、赫赫姜嫄、其德不回、上帝是依、無災無害、彌月不遲、是生后稷、降之百福、黍稷重穰、植穰茲麥、奄有下國、俾民稼穡、有稷有黍、有稻有秬、奄有下土、緝禹之緒

賦也、閔、汲閔也、宮、廟也、恤、清靜也、實實、鞏固也、枚枚、蕃密也、時益修之、故詩人歌詠其事、以為頌禱之詞、而推本后稷之生、而尚在第三章下及於僖公耳、回、邪也、依、猶眷顧也、說見生民篇、先種曰植、後種曰穰、奄、有下國、封於邠也、緝、業也、為治洪水既平、后稷乃播

種百穀

孔疏作者將美偉公。○追述遠祖。○上陳姜嫄后稷。○至於大王文武。○夏及成王封建之辭。○魯公受賜之命。○言其所以有魯之由。○枚者、細密之意。○故云礪密。○晉語及書傳說天子廟飾皆云斲其材而礪之。○加密石焉。○是礪密之事也。○堯典云帝曰湯湯洪水方割。○是堯時洪水為災也。○思文之美后稷云粒我烝民。○是洪水之時民不粒食也。○生民云誕降嘉種者。○從上而下之辭。○是天神多與后稷以五穀也。○言天神與者。○以種之必長。○歸功於天。○非天實與之也。○禹能平水土。○稷能種穀。○二者俱以利民。○故謂之繼禹。

之事。○重糝植穉生熟早晚之異稱耳。非穀名。先種曰植。後種曰穉。當謂先種先熟。後種後熟。但傳略而不言其熟耳。七月傳曰。後熟曰重。先熟曰糝。天官內宰鄭司農注云。先種後熟謂之糝。後種先熟謂之穉。是傳亦略而不言其種。與此互相明也。

呂記朱氏曰。閼宮者。魯之羣廟也。

穀緝閼宮止為僖公能脩寢廟。張大其事。而為頌禘之辭。猶斯干之意。

通解黍稷重糝三句。是自己稼穡即誕后稷之穡一章之謂。伴民稼穡以下。是教民稼穡即誕降嘉種一章之謂。

麟按此章閏宮二句一連。赫赫三句一連。無災二句一連。此七句一截。古義灰韻。昇生二句一連。春殺二句一連。奄有下國二句一連。此六句一截。集傳福叶筆力反。古義職韻。有殺二句一連。奄有下土二句一連。此四句一截。古義語韻。奄有下國指其所受之國。言奄有下土指其所殺之地。言。

○后稷之孫實維大王居岐之陽實始翦商至于文武繼大王之緒致天之届于牧之野無貳無虞上帝臨女致商之旅克咸厥功。王曰叔父建爾元子俾侯于魯大啓爾宇為周室輔。賦也。翦翦也。大王自豳徙居岐陽四方之民咸歸往之。於是而

王迹始著，蓋有翦商之漸矣。屆極也，猶言窮極也。虞慮也，無武
無虞，上帝臨之。猶大明云，上帝臨之，無貳爾心也。敦治之也。咸
同也。言輔佐之臣同有其功，而周公亦與焉也。王成王也。叔父，
周公也。元子，魯公伯禽也。放，開字居也。

疏義：救商之旅，猶言敵紂之師也。此言武王諸臣，而周公在其
中。

古義曰：克成厥功，所以為受封。張本也。建，鄭云立也。元，毛云首
也。漢書云：王曰叔父，建爾元子，子父俱延，拜而受之，俾侯於魯。
命為魯侯也。爵之為侯，則伯子男出其下矣。大開其居，非七十

里五十里則等倫矣。為周室輔。見與國休息之意。

麟按集傳野叶上與反。功叶居古反。前四句以王商為韻。後十

三句以緒野女功子輔為韻。

○乃命魯公。俾侯于東。錫之山川。土田附庸。周公之孫。莊公之子。

龍旂承祀。六轡耳耳。春秋匪解。享祀不忒。皇皇后帝。皇祖后稷。享

以騂犧。是饗是宜。降福既多。周公皇祖。亦其福女。

賦也。附庸。猶屬城也。小國不能自達於天子。而附於大國也。上

章既告周公。以封伯禽之意。此乃言其命魯公而封之也。莊公

之子。其一閔公。其一僖公。知此是僖公者。閔公在位不久。未有

可頌。此必是僖公也。耳耳。柔從也。春秋錯奉四時也。武過差也。成王以周公有大功於王室。故命魯公以夏正孟春郊祀上帝。配以后稷。牲用騂牲。皇祖謂魯公。此章以後皆言僖公致款郊廟而神降之福。國人稱頌之如此也。

大全曹氏曰。司常言日月為常。王建之。交龍為旂。諸侯建之。僖公雖僭郊禮。而猶以龍旂承祀。不敢全僭天子禮也。明堂位乃曰。魯公乘大路。載駟騂。旂十有二旒。日月之常。祀帝於郊。則過矣。○安成劉氏曰。上言皇祖在后稷上。則是指后稷為皇祖。後言皇祖在周公下。故知是指魯公。

古義山川、謂境內之山川也。方一里為一井。地方百里者、積田萬井。自是而上、可以類推。所謂錫之土、田者也。莊云、賜之以小國之附庸、使四鄰小國附屬之。李氏云、類史、魯之附庸也。春秋之時、有邾國、亦魯之附庸也。愚按、類句亦附庸。徐云、山川使主其祭、土田使其賦。附庸使廣其封邑。○魯之郊祀、與大嘗禘、不知其所自始。明堂位云、成王以周公為有勳勞於天下、命魯公世世祀周公。以天子之禮樂。是以魯君孟春乘大路、載弧韜、旂十有二旒、日月之章。祀帝於郊、配以后稷。天子之禮也。季夏六月、以禘禮祀周公於太廟、牲用白牡、尊用犧象山罍、爵用

黃目、灌用玉璫、大圭、薦用玉豆、雕、簋、爵用玉琖、仍、雕、加以璧、散、肆角、俎用椀、蕨、升、歌、清廟、下管象、朱干玉戚、冕而舞大武、皮弁、素積、楊而舞大夏、昧、東夷之樂也、任、南蠻之樂也、納南蠻之樂、於太廟、言廣魯於天下也、祭統云、昔者周公旦有勲勞於天下、周公既沒、成王康王追念周公之所以勲勞者、而欲尊奉、故賜之以重祭、外祭則郊社是也、內祭則大嘗禘是也、夫大嘗禘、升歌清廟、下而管象、朱干玉戚、以舞大武、八佾、以舞大夏、此天子之樂也、康周公、故以賜魯也、子孫慕之、至於今不廢、所以明周公之德、而又以重其國也、禮運篇、孔子曰、魯之郊禘、非禮也、周

公其襄矣。祀之郊也。禹也。宋之郊也。契也。是天子之事。守也。故天子祭天地。諸侯祭社稷。祝嘏奠。莫敢易其常古。是謂大假。季氏云。禮記之書。如禮運。以為魯不當郊禘。如明堂祭。統以為魯當郊禘。其異同如此。當從禮運之說。楊慎云。成王命君陳。拳拳以遵周公之猷訓。為言猷訓之大。無大於上下之分。豈其命伯禽而首廢之哉。且襄王之世。襄亦極矣。猶不許晉文公之請隧。而謂成王不如襄王乎。况伯禽之賢。雖不乃周公。然賢於晉文公遠矣。豈肯受之哉。禮又曰。成王康王。賜魯重祭。成王既賜。康王又何加焉。此豈不能自掩其偽矣。然則魯之僭禮。何始也。曰。魯

在春秋與魯頌。春秋桓公五年書大雩。雩之僭始於桓也。閔二年書曰禘于莊公。禘之僭始於閔也。僖三十一年書曰四卜郊。郊之僭始於僖也。魯頌閔宮三章。首言乃命魯公。俾侯于東。錫之山川。土田。附庸。無異典也。其下乃言周公之孫莊公之子。以及於皇。皇后。帝。皇。祖。后。稷。蓋魯自伯禽而下。十有八世。自僖公始有郊祀。而詩人頌之。則其不出於成王之賜。且明矣。魯之君臣。恐天下議已。乃借名於成王。伯禽以掩天下之口。象之陋儒。諂佞。遂作明堂位。以文其過。甚矣其無忌憚也。

麟按如上說。魯之郊祭。不出於成王之賜。甚明。然即以為成王

賜之而伯禽受之。此篇亦本重廟祭郊。只陪說魯。蓋自張其特
典。彙連言之。觀上下文理可見也。龍旂二句。斷依仲常詩說。予
先六帖。羽明詩通。主郊祭。說明堂位。既有乘大路旂十二旒。日
月之常祀。帝於郊之文。徐幹中論亦云。魯以龍旂九旒祀帝於
郊也。六帖又云。郊特性乘素車。貴其質也。旂十有二旒。龍章而
設。日月以象天也。此尤龍旂祀帝之明證。且歷觀兩漢以來詞
賦。表箋其言宗廟之祭。從無道及車旂儀衛之感者。每至郊祀
則纏繞不休。詳其文體亦本諸此詩耳。但詩既云龍旂而不及
日月。則依曹氏說不添為正。蓋建龍旂以別日月。期孟春以異

冬○至○循○是○僭○禮○之○中○小○下○處○不○必○逐○項○俱○擬○天○子○也○其○陪○說○語○
氣○則○云○我○公○平○日○嘗○舉○郊○祭○龍○祈○六○轡○儀○衛○甚○都○矣○今○脩○廟○而○
廟○祭○又○能○春○秋○匪○解○享○祀○不○忒○是○故○皇○皇○后○帝○以○主○之○皇○祖○后○
稷○以○配○之○享○以○駢○犧○是○饗○是○宜○降○福○既○多○而○周○公○與○皇○祖○亦○將○
來○福○女○也○既○字○亦○字○抑○揚○本○甚○明○亦○不○必○郊○廟○平○說○以○失○大○指○
集○傳○多○叶○章○移○反○古○義○東○庸○東○韻○子○耳○紙○韻○忒○稷○職○韻○犧○宜○多○
支○韻○祖○女○語○韻○

○秋○而○載○嘗○夏○而○禘○衡○白○牡○駢○剛○犧○尊○將○將○毛○魚○獻○羹○遵○豆○大○房○
萬○舞○洋○洋○孝○孫○有○慶○俾○爾○熾○而○昌○俾○爾○壽○而○臧○保○彼○東○方○魯○邦○是○

常、不虧、不崩、不震、不騰、三壽作朋、如同如陵、

賦也、嘗、秋祭名、福衡、施於牛角、所以止觸也、周禮封人云、凡祭、飾其牛牲、設其福衡、是也、秋將嘗、而夏福衡其牛、言風戒也、白牡、周公之牲也、騂剛、魯公之牲也、白牡、殷牲也、周公有王禮、故不敢與文武同、魯公則無所嫌、故用騂剛、犧尊、畫牛於尊腹也、或曰、尊作牛形、鑿其背以受酒也、毛魚、周禮封人祭祀有毛魚之豚、注云、爛去其毛而魚之也、載、切肉也、羹、大羹、鉶羹也、大羹、大古之羹、滂、煮肉汁不和、盛之以登、貴其質也、鉶羹、肉汁之有菜和者也、盛之、鉶器、故曰鉶羹、大房、半體之俎、足下有跗、如堂

房也。萬舞名。震騰驚動也。三壽未詳。鄭氏曰。三卿也。或曰。頌公壽與江陵等而為三也。

孔疏更說廟祭之事。將於秋為嘗祭。夏已福衡其牛。其所養者是白色之牡。與赤色之特。盛酒之筮。有犧尊。將將然而盛美也。其饌則有以夾去其毛而魚之豚。又有切肉之載。與大羹鉶羹。其食器有竹籩木豆。又有大房之俎。鼎俎既陳。籩豆已列。於是執干戚而為萬舞。洋洋然衆多。禮樂不愆。祭祀得所。孝孫僖公於是。是有慶賜之榮。使汝得福熾盛。而曷大使汝年命長壽而滅善。安於彼東方之國。魯邦是其常有。其堅固如山。不可虧損。不

可崩落、其安靜如川、不可震動、不可乘陵、國之三壽考之卿與
作朋友、君臣相親、國家堅固、如同如陵也。○福衡、謂設橫木於
角、以福迫此牛也。地官封人云、凡祭祀、飾其牛牲、設其福衡。注
云、福、設於角、衡、設於鼻、如楸狀、篋以福衡為一、文十二年公羊
傳云、魯祭周公、何以為牲、周公用白牡、魯公用騂牝、羣公不毛、
何休云、白牡、殷牲也、周公死、有王禮、嫌不敢與文武同也、不以
夏黑牲者、嫌改周、魯公諸侯不嫌也、故從周制、說文云、牝、特也、
白牡、謂白特、騂、牝、謂赤特也、阮謏禮圖云、犧尊、飾以牛、象尊、飾
以象、於尊腹之上、畫為牛象之形、王肅云、將將、盛美也、大和中

魯郡於地中得齊大夫子尾送女龜有犧尊以犧牛為尊然則
象尊尊為象形也大羹鉶羹者以特牲士之祭祀尚有大羹鉶
羹故以此羹兼二羹也大房與遵豆同文則是祭祀之冠冠之
名房者唯俎耳故知大房半體之俎明堂位曰俎有虞氏以椀
夏后氏以巖殷以楨周以房俎注云椀斷木為四足而已巖謂
中足為橫距之象楨謂曲椀之也房謂足下跗也上下兩間有
似於堂房然是俎稱房也周語云禘郊之事則有全烝王公立
飲則有房烝親戚燕饗則有殺烝如彼文次全烝謂全載牲體
殺烝謂體解節折則房烝是半體可知言禘郊均有全烝宗廟

之祭唯房黍耳。故舉大房而言也。春禮。掃饋。舅姑特豚。合升。側載。注。右胖載之。舅俎。左胖載之。姑俎。是俎載半胖之事也。洋洋舞者之貌。魯以八佾舞周公。故美舞者衆多。

嚴緝。爛。徐廉反。字亦作媯。焯。湯中滷肉。萬舞。二舞之總名。變以爲干舞。今不從。

大全孔氏曰。羣公不毛。不純色也。

通解。牛觸則瘳。故福衡以止其觸。毛魚之豚。封入注。爛去其毛而魚之以備八珍也。載切肉。曲禮曰。凡進食之禮。左載右載。注。肉帶骨曰載。統肉切曰載。

六帖遺其之陳周公之事十六。羣公之事十二。○舊以俾爾六句對三句二句。詳又勢則各四句為截。不虧二句屬下止。與岡陵相似。

麟按真傳銜叶戶郎反。曼叶盧當反。慶叶祛羊反。六帖通章一韻。古義嘗銜剛將。黃房。詳慶昌。城方常。陽韻。崩騰。朋陵。蒸韻。

○公車千乘。朱英綠騰。工矛重弓。公徒三萬。貝冑朱綬。孫徒增增。戎狄是膺。荆舒是懲。則莫我敢承。俾爾昌而熾。俾爾壽而富。黃髮台背。壽齊與試。俾爾昌而大。俾爾耆而艾。萬有千歲。耆壽無有宰。賦也。千乘。大國之賦也。成方十里。出車一乘。甲士三人。左持

子、右持矛、中人、御、步卒七十二人、持重車者二十五人、千乘之
地、則三百十六里有奇也、朱英、所以飾矛、綵、所以約弓也、二
矛、夷、矛、酋、矛、也、重、弓、備、折、壞、也、徒、步、卒、也、三、萬、舉、成、數、也、車、千
乘、法、當、用、十、萬、人、而、為、步、卒、者、七、萬、二、千、人、然、大、國、之、賦、道、滿
千、乘、苟、盡、用、之、是、舉、國、而、行、也、故、其、用、之、大、國、三、軍、而、已、三、軍
為、車、三、百、七、十、五、乘、三、萬、七、千、五、百、人、其、為、步、卒、不、過、二、萬、七
千、人、舉、其、中、而、以、成、數、言、故、曰、三、萬、也、貝、冑、貝、飾、冑、也、朱、鼓、兩
以、綴、也、增、增、衆、也、戎、西、戎、狄、北、狄、膺、當、也、荆、楚、之、別、統、舒、其、與
國、也、懲、艾、承、懲、也、僖、公、嘗、從、齊、桓、公、伐、楚、故、以、此、美、之、而、紀、其

昌大壽考也。壽胥與試之義未詳。王氏曰：壽考者，相與為公用也。蘇氏曰：願其壽而相與試其才力以為用也。孔疏公之兵車有千乘矣，車上皆有三人，右人所持者朱色之，英左人所持者綠色之，繩此朱英綠色者是三矛重弓也。又公之徒衆有三萬人矣，以貝飾冑，以朱繩綴之，進行之時，增增然衆多，車徒既多，甲兵又備，西戎北狄來侵者，於是以此膺當之。荆楚羣舒叛逆者，於是以此懲創之。軍之所征，往無不克，則無有於我僖公敢禦止之者。

大全華谷嚴氏曰：魯頌多夸大之詞，曰千乘，曰三萬，不必求其

數之盡合也。○安成劉氏曰：滕如緹滕之滕。○孔氏曰：貝者水
蟲，甲有文章，肖謂兜鍪，以貝為飾。說文云：緹，綫朱綫，赤綫也。僖
四年公會齊侯等伐楚楚，一名荆舒，是楚之與國，故連言荆舒。
其伐戎狄則無文。○三山李氏曰：泮水，美僖公能服淮夷，皆無
是事而美之，則膺戎狄懲荆舒，未必不如其服淮夷也。蓋視頌
之詞例如此。○安成劉氏曰：荆者，楚之本號，蓋以荆山而得名。
春秋莊公十年始書荆，以正其夷狄之號。至僖公元年，乃改稱
楚。四年，僖公從齊伐楚，遂盟召陵。僖公雖不得專其功，而詩人
之詞，容有溢美。讀者當不以詞害意。○曹氏曰：老壽者相與試

用則不特三壽作朋而已所用皆老成人也○考索曰此詩曰
 天錫公純嘏眉壽保魯復周公之宇與夫萬有千歲眉壽無有
 害皆是祝頌之詞若非祝頌之詞則是僖公果萬有千歲乎○
 華谷嚴氏曰萬有千歲猶曰千歲萬歲也○安成劉氏曰此章
 承前章祭祀獲福之意而美公以武功祝公以福壽也
 麟按集傳前一段乘叶神陵反弓叶姑弘反綬叶息稜反與膝
 增膺懲承俱一韻也後一段熾富背試大艾歲害亦俱一韻然
 前段以各三句為一連一二三與四五六以車徒平對七八九
 總承後一段仍兩句一連四句一截亦平對

○泰山巖巖、魯邦所尊、奄有龜蒙、遂荒大東、至于海邦、淮夷來同、
莫不率從、魯侯之功、

賦也、泰山、魯之望也、魯與齊同、龜蒙二山名、蒙、奄也、大東、極東也、海邦、近海之國也、

大全孔氏曰、泰山在齊魯之界、其陽則魯、其陰則齊、二國皆以
為望也、○廬陵羅氏曰、郡國志、泰山郡博縣有龜山、蒙陰縣有
蒙山、在西南、○孔氏曰、春秋齊人來歸鄆、謹龜陰之田、謂龜山
之北田也、論語說、顯史云、昔者先王以為東蒙主、是魯之境內
有此二山、故言奄有、○曹氏曰、龜則鄆之龜山、蒙則費之東蒙

山淮夷來同。則淮浦諸夷在魯之南者。同來會盟。莫敢不率循而順從也。○安成劉氏曰。此亦承上章祭祀獲福之意。而言願公治其境內。以服遠國也。遂荒以下。皆期望之詞。下章放此。麟按古義。農唐。覃韻。蒙東同功。東韻亦兩句一連。四句一截。○保有鳧輝。遂荒徐宅。至於海邦。淮夷蠻貊。及彼南夷。莫不率從。莫敢不諾。魯侯是若。賦也。鳧輝二山名。宅居也。謂徐國也。諾。應辭。若。順也。○泰山龜。蒙鳧輝。魯之所有。其餘則國之東南勢相連屬。可以服從之國也。

大全三山李氏曰為貢徐州嶧陽孤桐此嶧即嶧陽也○廬陵
羅氏曰地里攷異鳧山在兗州鄒縣東南三十里嶧山一名鄒
山在鄒縣南二十二里

古義按鳧嶧皆鄒地鄒古邾國左傳邾文公遷于嶧宣十年伐
邾取嶧即此嶧也京相璠云嶧邑依嶧山為名水經注云山東
西二十里高秀獨出積石相臨殆無土壤石間多孔穴洞達相
通往往有如數間屋處其俗謂之嶧孔邾本魯附庸國至孟子
時魯穆公改曰鄒此詩言保有鳧嶧者謂能餘有附庸之國不
為強大所吞併不獨奄及東蒙而已徐宅謂宅於徐州之地者

即徐戎也。

麟按嚴詩緝於上章云。奄有龜山蒙山。遂寃奄極東之地。至於
近海之國。淮夷舊不服者。亦內向而不為異。莫不相率而順從。
是魯侯之功也。此章云。又安有鳧山。嶧山。遂寃奄徐州之居。至
於近海之國。若淮夷也。南夷之蠻也。東夷之貊也。又及彼南方
之夷。荆楚也。莫敢不相率而順從。莫敢不應諾其命令。唯魯侯
之是順。皆願之之辭也。於中料理地理節次甚明。古義緝宅霜
陌韻。諾若藥韻。其五六句及彼南夷。莫不率從。無叶六帖云。末
四句連二句無韻。連二句用韻。亦無可奈何之辭也。豐氏本石

經莫不率從。作固不來格。則其說每有此附會矣。此章亦兩句一連四句一截。

○兵錫公純緞。着壽保魯。居常與許。復周公之宇。魯侯燕喜。令妻壽母。宜大夫庶士。邦國是有。既多受祉。黃髮兒齒。

賦也。常或作嘗。在薛之旁。許許田也。魯朝宿之邑也。皆魯之故地。見侵於諸侯而未復者。故魯人以此願僖公也。令妻令善之妻。替姜也。壽母壽考之母。成風也。閔公八歲被弑。必是未娶其母叔姜。亦應未老。此言令妻壽母。又可見公為僖公無疑也。有常有也。兒齒齒落更生細者。亦壽徵也。

孔疏諸侯有大德受采邑於京師為將朝而宿焉謂之朝宿之邑魯以周公之故成王賜之許田春秋之時魯不朝周邑無所用而許田近於鄭國鄭有枋田地勢之便而與鄭易之桓元年鄭伯以璧假許田公羊傳曰許田者何魯朝宿之邑也此魯朝宿之邑焉為謂之許田諱取周田蔡之許近許也常字詩本或有作嘗字者常邑在薛之傍六國時齊有孟嘗君食邑於薛以其居薛邑而號孟嘗君則嘗在薛傍共為一地

蘇傳齊有孟嘗豈為齊所侵與

呂記孔氏曰桓元年鄭伯以璧假許田桓公以許與鄭

疏義朝會止宿之邑在天子之郊。

大金曹氏曰嘗先當屬魯○安成劉氏曰此章稱願僖公享奉

富康寧之福有夫妻子母之樂皆承前章祭祀獲福之意也

古義愚按管子小匡篇云桓公曰吾欲南伐何王管子對曰以

魯為主反其侵地常潛常潛二地名當即此常也常先為齊所

併故欲僖公復之正不必破常為嘗耳然常齊語又作堂而其

地不知所在定是通作棠春秋隱公觀魚于棠會戎于潛其為

此二地明矣許鄭云許田也許田近許之田括地志云在許昌

縣南四十里有魯城周公廟在其中左傳隱八年鄭伯請以乘

山之務易許田桓元年鄭伯以辟假許田杜預云成王營王城有邊都之志故賜周公許田以為朝宿之邑後世因而立周公別廟

麟○按○此○章○舊○以○純○嘏○句○作○一○頭○而○下○七○句○實○之○此○景○俗○說○之○可○厭○者○也○亦○正○以○兩○句○一○連○說○落○為○當○耳○鄭○氏○曰○純○大○也○受○福○曰○嘏○著○壽○以○保○魯○豈○非○公○之○福○之○大○者○此○兩○句○只○主○天○錫○說○為○一○項○居○常○二○句○主○壞○侵○地○為○一○項○春○侯○二○句○主○宮○闈○之○樂○為○一○項○宜○大○夫○二○句○主○得○人○以○保○邦○為○一○項○既○多○二○句○主○膺○福○而○又○有○壽○徵○將○享○於○無○窮○為○一○項○各○尋○頭○腦○則○各○有○趣○味○不○必○曰○某○處

詩經卷之...

貫某處也。集傳毋。叶滿委反。有。叶明已反。六帖通章一韻。古義。綴魯許字。唐韻喜母以下紙韻。

○祖來之松、新甫之柏、是斲是度、是尋是尺、松楠有烏、路寢孔碩、新廟奕奕、奕斯所作、孔曼且碩、萬民是若、

賦也。祖來、新甫、二山名。八尺曰尋。烏、大貌。路寢、正寢也。新廟、僖公所修之廟。奕、斯、公子魚也。作者、教護屬功、課章程也。曼、長碩、大也。萬民、是若、順萬民之望也。

孔疏、楠之與椶、是椶之別名。莊二十四年、刻桓宮楠、謂刻其椶也。烏、是楠狀、故為大貌。閔五年、慶父出奔、左傳曰、以賂求共。

仲于嘗、嘗人歸之、及密使公子魚請、不許、哭而往、共仲曰、吳斯之聲也、乃縊、是矣、斯為公子也、如傳文、蓋名魚、而字吳斯、吳斯所作、謂為之主帥、教令工匠、監護其事、屬付功役、課其章程而已、非親執斧斤而為之也。

大金廬陵羅氏曰、地理攷異、祖來、在兗州乾封縣、新甫、在汝陽縣、○慶源輔氏曰、九章則本其所以作是頌者言之、取木於二山、斷以度之、或長或短、而松之為榱桷者、猶烏然而大、則其為梁為柱者可知、既成廟後之正寢、又甚宏大、則僖公所修之廟大矣、又言其教護屬功董其功役之人、而曰此實吳斯所作、其

制度甚長且大以順萬民之望也。有所與作而不順民心則與
怨讎矣。安能致彼如斯之頌禱哉。○安成劉氏曰。此章復詳言
修廟之事。與篇首兩句之意相首尾也。
麟按集傳。栢叶適莫反。尺叶尺約反。烏叶七約反。兩碩字俱叶
常約反。爽叶弋灼反。當通章一韻。六帖同。然前六句以栢尺碩
叶。後四句以作若叶。各如字讀。似直。

閔宮九章。五章章十七句。二章章八句。二章章十句。

內第四章脫一句。○舊說八章二章章十七句。一章十二
句。一章三十八句。二章章八句。二章章十句。多寡不均。雜

亂無次、蓋不知第四章有脫句而然、今正其誤、

大全新安胡氏曰、竊謂闕宮是依做殷武而作、殷武首言高宗伐荆楚、次言侯國服從、方及於壽考且寧、遂結之以作寢廟、朱子釋廟中之寢所以安高宗之神、得之矣、闕宮首原德公家世、次及承祭祀、攘夷狄、護境土、極頌其壽考、亦遂結之以作新廟、與殷武如出一手、特殷武簡而嚴、闕宮張而夸耳、故朱子於殷武之末、謂與闕宮卒章文意略同、但先儒因此詩服淮夷、變貉等事、春秋所不載、皆不能無疑、故黃氏以為未然之期望、朱子以為頌禱之詞也、

古義三百五篇之中以一百二十句成篇者僅見於此
魯頌四篇二十四章二百四十三句

詩經說約卷之二十八

太倉顧夢麟纂述

常熟楊 奠泰訂

商頌四之五

契為舜司徒而封於商。傳十四世而湯有天下。其後三宗
迭興。及紂無道。為武王所滅。封其庶兄微子於宋。脩其
禮樂。以奉商後。其地在禹貢徐州泗濱。西及豫州。盟豬之
野。其後政衰。商之禮樂日以放失。七世至戴公時。大夫正
考甫得商頌十二篇於周大師。歸以祀其先。王至孔子編

詩而又亡其七篇然其存者亦多闕文疑義今不敢強通也商都亳宋都商丘皆在今應天府亳州界孔疏亳是湯之所居及紂滅之時則在朝歌非復亳也成湯之初以商為號及盤庚遷於殷以後或呼為殷故名序云盤庚五遷將治亳殷注云商家改號曰殷玄鳥云殷受命咸宜殷武云撻彼殷武是其兼稱殷也雖或稱殷不是全改商號故大明云殷商之旅蕩云咨汝殷商皆取前後二號而雙言之是其不全改也①堯以契為司徒又封之商國子孫則當世為諸侯或入列王官國語云玄王勤商

十四世而興、殷本紀云、契卒、子昭明立、卒、子相土立、卒、子
昌若立、卒、子曹圉立、卒、子冥立、卒、子振立、卒、子微立、卒、子
報丁立、卒、子報乙立、卒、子報丙立、卒、子主任立、卒、子主癸
立、卒、子天乙立、是為成湯、是從契至湯為十四世也。○禹
貢徐州云、泗濱浮磬、豫州云、導河澤被孟豬、地理志云、孟
豬澤在梁國睢陽東北、是孟豬在豫州、地理志云、宋地、今
之梁國市楚山陽濟陰東平及東都之須昌壽張皆宋分
也、據時驗之、是宋之封域、東至泗濱、西至孟豬也。○微子
為商之後、得行殷之禮樂、明是商頌皆在宋矣、於後不具、

明是政衰而失之、那序云、微子至於戴公、其間禮樂廢壞、是散亡商之禮樂也、史記宋世家云、微子啓卒、弟衍立、卒、子宋公稽立、卒、子丁公申立、卒、子湣公共立、卒、弟煬公熙立、湣公子紂祀禘煬公而自立、是為厲公、卒、子釐公舉立、卒、子惠公睨立、卒、子襄公立、卒、子戴公立、自微子至戴公、凡十君、除二及餘八君、是微子之後七世、至戴公也、世家又云、惠公四年、周宣王即位、戴公二十九年、周幽王為犬戎所殺、考較其年、宣王以戴公十八年前、是戴公當宣王時也、○以周用六代之樂、樂章固當有之、故得有商頌

也。然則自夏以上，周人亦存其樂，而得無其詩者，或本自不作，或有而滅亡，故也。此商頌五篇，自是商世之書，由宋而後得有。

大金孔氏曰：契為司徒，有五教之功，乃賜姓曰子，而封於商。○釋文曰：商者，契所封之地名。湯有天下，遂以為國名。○安成劉氏曰：湯後九世至大戊，而商道興，廟號中宗。大戊後十三世至武丁，商道復興，廟號高宗。武丁再傳而至祖甲，所謂三宗特興也。蓋商人宗之，皆為百世不遷之廟。故周公作無逸，思舉言之，但祖甲親盡之際，適以國亡，故

未有宗號也歟。○吳氏曰：武王克殷，封武庚於般墟，封微子於宋，及武庚叛，成王殺之，始即微子已封之宋，建之為上公，以奉湯祀，作微子之命以申之。○孔氏曰：正考甫生孔父嘉，孔父嘉生木金父，木金父生初父，初父生防邾，防邾生伯夏，伯夏生叔梁紇，叔梁紇生仲尼，則正考甫是孔子七世之祖。○應天府，今改歸德州，隸河南，亳州，今亳縣，屬直隸鳳陽府，潁州。

麟按：孔氏疏，除二及餘八君，是微子之後七世至戴公。大

全云：除二兄弟同世外七世至戴公也。較明先聖世系，據

春秋貫玉。宋濬公生弗父何。何生宋父周。周生世父勝。勝生正考父。正考父生孔父嘉。嘉生木金父。木金父生罕夷。父罕夷。父生防叔。避華氏亂奔魯也。防叔生伯夏。伯夏生叔梁紇。為陬邑大夫。春縣東南莒城是也。紇生長子孟皮。孟皮生子蔑。孔忠。次子仲尼。孔某其生伯魚。孔鯉。鯉生子思。孔伋。伋生子上。孔白。弗父何。宋濬公。大子。以國讓弟厲公。四世孫嘉。字孔父。其孫以字為孔氏。宋濬公。即孔疏濬公。子洽。通畧。又作閔公。魯詩世學。又云。庚初封商。伯。卒。子日孫立。是為昭明。昭明卒。子木立。是為相土。夏王。

啟進為商侯。然則昭明相土。又各有名。遂伯為侯。則所謂
商益大之說也。子微是為上甲。少康中興。追為商公。報丁
名。鬲報丙。名牟。主壬。名弓。主癸。名田。天乙名履。俱見魯詩
世學。然無報乙。其宋衷公名箕。戴公名未。世父。滕又云。世
字子勝。子勝生正。字考父。考父生嘉。字孔父。孔父生木。字
金父。金父生孔。畢夷。字初父。初父生孔防叔。防叔生孔伯
夏。伯夏生鄭人。紇亦見魯詩。世學。又按世本古義。弗爾何
生。宋父。宋父生正。考甫。則本無世父。滕。木。金父。生祁父。祁
父。生防叔。即似畢夷父。又曰祁父也。豈即字祁父。而豐氏

說○為○初○父○與○。○詩○緝○張○子○曰○商○頌○之○詞○粹○語○類○商○頌○簡○與○。
又○曰○商○頌○之○辭○自○是○與○古○。○六○帖○看○商○頌○要○得○其○精○深○處○。○
又○按○古○義○自○契○初○封○商○。○魯○連○子○云○在○大○華○之○陽○。○皇○甫○謚○云○
今○上○雒○商○是○也○。○即○今○陝○西○西○安○府○之○商○州○。○以○地○有○商○山○。○故○
得○商○名○。○契○生○昭○明○。○遷○砥○石○。○事○見○世○本○。○其○地○不○知○所○在○。○昭○明○
生○相○土○。○遷○高○丘○。○竹○書○載○夏○帝○相○十○五○年○。○商○侯○相○土○作○乘○馬○。
遂○遷○於○商○丘○。○左○傳○所○云○。○陶○唐○氏○之○火○。○正○關○丘○。○居○商○丘○。○相○土○
因○之○是○也○。○唐○為○宋○州○。○宋○為○睢○陽○郡○。○在○今○為○河○南○歸○德○府○商○
丘○縣○。○季○本○云○地○稱○商○丘○者○。○其○亦○因○契○本○封○而○以○名○丘○。○然○相○

土生易者、昌若生曹國、曹國生冥、竹書載夏少康十一年、
使商侯冥治河、至帝紆十三年、商侯冥死於河、中間計三
十四年、魯語及祭法、所謂冥勳其官而水死者、冥生振、竹
書以為殷侯子亥、蓋振名、而子亥其字也、竇始遷殷、計三
十七年、而為有易之君、綿臣所殺、國統幾絕、振生微、字上
甲、乃殺綿臣、而以殷興、仍居殷地、是則殷之遷、雖在子亥、
而昌殷緒、以基王業者、乃在上甲也、皇甫謐謂微字上甲、
其母以甲日生、故也、商家生子、以日為名、蓋自微始、白虎
通亦云、殷道尚質、故直以生日名子、而譙周則謂死稱廟

主曰甲、蓋謂生稱其名、歿則以其生之名為廟主也。於理或然。微生報丁、報丁生報乙、報乙生報丙、報丙生主壬、主壬生主癸、主癸生天乙、是為成湯。竹書載帝孔甲九年、殷侯復歸於商丘。上距微殺綿亶之歲、凡一百單三年。不知所謂殷侯者何名也。自歸商丘之後、又二十五年、則為桀在位之十五年、實成湯為商侯之元年。於是復自商丘遷於亳。書序謂自契至於成湯八遷。湯始居亳、從先王居。作帝告登沃。今按所謂八遷者、契始居商一也、昭明居砥石二也、相土居商丘三也、冥離商丘、往河治水四也、子亥遷

殷五也、孔甲之時、復遷商丘、六也、及湯自商丘遷亳、不過
七遷耳、然古今相傳、皆謂偃師、穀熟、皆湯所都、而景亳、則
湯會諸侯之處、是謂三亳、皇甫謐云、蒙、北亳也、穀熟、南亳
也、偃師、西亳也、蒙即景亳、與穀熟相近、果湯曾都二亳、則
信有八遷矣、然二亳遷居之先後、則經傳無文、嚴粲謂湯
自南亳遷西亳、似為可信、蓋三亳中、南亳、北亳、相去甚近、
北亳在今商丘北五十里、地有景山、故謂之景亳、南亳在
今商丘東南四十五里、竹書載湯於桀十五年遷亳、又書
二十八年昆吾氏伐商、商會諸侯於景亳、則知景亳實在

商封內不然國既被伐何得越境以會諸侯乎水經注云
關駟曰湯都偃師皇甫謐以為考之事實學者失之如孟
子之言湯居亳與葛為鄰是即亳與葛比也湯地七十里
葛又伯耳封域有限而寧陵去偃師八百里不得童子饋
餉而為之耕今梁園自有二亳南亳在穀熟北亳在蒙非
偃師也愚謂寧陵與商丘接壤皇甫解湯居亳之義是矣
若謂湯未嘗都偃師則又不然以書序從先王居之文觀
之先王孔安國以為指帝嚳也今按其書篇名曰帝嚳釐
沃告當是通作嚳釐之言來蓋謂從帝嚳而來居於沃土

云耳。孔說非謬。而水經注言帝嚳之墟在禹貢豫州河雒之間。今河南偃師城西二十里尸鄉亭是也。使湯不都偃師。何得云從先王居。又孔穎達引中候格予命云。天乙在亳。東觀在雒。鄭玄亦云。今河南偃師縣有湯亭。地理志又謂尸鄉。殷湯所都。然則湯之居偃師明矣。偃師乃周名。以周武王克商。偃息師徒於此。其初名為西亳。當是成湯命之。湯之創業。實始於亳。故曰朕我自亳。後雖遷居嚳墟。而不忘其所自始。故亦呼之為亳耳。三亳惟亳為本名。地在商丘。故湯有天下。尚仍商舊號。若景亳則本名殷。地在北

蒙特以其近亳故曰景亳。又曰北亳。當上甲父子之世。所謂遷於殷者。即景亳也。以竹書證之。自成湯居亳之後。歷外丙仲壬太甲沃丁小康小甲雍己大戊八君。皆仍居亳。至仲丁始遷於囂。歷外壬而河亶甲。自囂遷於相。繼之祖乙元年。自相遷於耿。二年。圮於耿。自耿遷於庇。歷祖辛開甲祖丁。皆居庇。及南庚二年。遷於奄。歷陽甲而盤庚。至十四年。自奄遷於北蒙。曰殷。書盤庚篇所謂先王恪謹天命。不常厥邑。於今五邦者。合囂相耿庇奄而言也。自相以下。疑皆在河北。至盤庚始遷河南。書所謂惟涉河以民遷者。

史記惟言仲丁遷澠。河亶甲居相。祖乙遷邢。與竹書小異。然要之竹書為覈矣。竹書稱北蒙曰殷。於此始知殷之所。在殷又名北亳。故書序言盤庚五遷。將治亳。殷。孔安國謂殷者亳之別名。是也。而後人皆言盤庚所遷在河南偃師。誤矣。湯在殷以會諸侯。而不都殷。故不更國號。盤庚遷都。殷。實上甲微舊蹟。因而更號曰殷。其後歷小辛。小乙。以及武丁。又傳四世。至庚丁。皆居殷。及康丁之子武乙。始去殷。遷河北。

猗與耶與。置我鞀鼓。奏鼓簡簡。衍我烈祖。

賦也。猗歎詞。邢多。置陳也。簡簡和也。衍樂也。烈祖湯也。記曰。商人尚聲。臭味未成。滌蕩其聲。樂三闋。然後出迎牲。即此是也。舊說以此為祀成湯之樂也。

疏義比一節。專以鼓言。蓋鼓者。衆音之主。故先言之。又禮記注云。鞀所以節樂。樂由鞀而成。獨稱鞀鼓。成以此也。○始而置之。既乃奏之。言之節也。○臭未成。未用灌也。味未成。未用牲也。

輯錄記語。見郊特牲。陳氏曰。牲未殺。則未有臭味。

大全烈祖。毛氏曰。有功烈之祖也。○禮記注曰。滌蕩猶搖動也。

○安成劉氏曰。凡聲屬陽。故曰樂由陽來。商人祭祀尚聲。所以

先求諸陽者也。

通解此節。是將祭之時。奏鼓。鼓字。兼執鼓。殷人之祭。必先作樂。三終。然後出。而迎牲於廟門之外。此是欲以此樂之聲音。號呼而詔告於兩間。庶幾其聞之。而來格來享也。

古義鼓祖。馨韻。

湯孫奏假。綏我思成。執鼓淵淵。嗷嗷管磬。既和且平。依我磬聲。於赫湯孫。穆穆厥聲。

湯孫。主祀之時王也。假。與格同。言奏樂以格於祖考也。綏。安也。思成。未詳。鄭氏曰。安我以所思而成之人。謂神明來格也。禮記

曰齊之日。思其居處。思其笑語。思其志意。思其所樂。思其所嗜。
齊三日。乃見其所為齊者。祭之日。入室。僂然必有見乎其位。周
旋出戶。肅然必有聞乎其容聲。出戶而聽。愾然必有聞乎其歎
息之聲。此之謂思成。蘇氏曰。其所見聞。本非有也。生於思耳。此
二說近是。蓋齊而思之。祭而如有見聞。則成此人矣。鄭注頗有
脫誤。今正之。淵淵。深遠也。嚶嚶。清亮也。磬。玉磬也。堂上升歌之
樂。非石磬也。穆穆。美也。

疏義。鼓為衆音之主。管則樂之小者。舉此二者。則餘樂在其中
矣。○赫。有光輝貌。升歌。下管。其音難諧。而八音之中。磬尤難諧。

今者作樂降神而堂下之樂與堂上之磬相諧如此赫赫然湯
孫爾之樂可謂甚美矣極其稱贊之也

大全廬陵歐陽氏曰自大甲以下至紂皆可為湯孫但不知所
斥者何王耳○安成劉氏曰既言管磬又言磬磬又言穆穆厥
聲盛穆穆樂見商人之尚磬連叶三聲字又見商人之貨也○
通解此節對上看則方祭之時正三闋之後迎牲以祭時事執
鼓以下六句即謂奏假之樂非兩項

六帖波此相濟曰和高下適均曰平○磬最和平者玉磬清越
以長磬有定準諸磬則可以人力高下故依磬磬則為和平○

思成二字妙。可見古人之祭。非是具文。真是祖孫一氣。如將見之也。綏字亦佳。思而不成。則不能安。成則安矣。

古義陳際泰云。商人尊鬼而尚聲。聲召風。風召氣。氣召神。然神懼其雜而集焉。則有湯孫之思矣。思者氣之精者也。鬼神非其類也。不至。心有精氣而借聲以召之。神無不格。格者又烈祖已焉。綏我思成。信哉其綏也。與成聲聲。康韻。

庸鼓有敷。萬舞有奕。我有嘉客。亦不爽悻。

庸。鑄通致。致然盛也。奕。奕然有次序也。蓋上文言執鼓管籥。其聲依堂上之玉磬。無相奪倫者。至於此。則九獻之後。鐘鼓交作。

萬舞陳於庭而祀事畢矣。嘉客先代之後來助祭者也。夫悅也亦不矣。懌乎言皆悅懌也。

疏義惟大享先王九獻。祭將畢時樂盛作如楚茨言鐘鼓既戒。鼓鐘送尸亦其一微也。

大全濮氏曰。周人之樂。執籥秉翟者文舞也。朱干玉戚者武舞也。萬舞二舞之總也。故邶風有公庭萬舞。魯頌有萬舞洋洋。春秋楚子元有振萬。蓋時王樂也。諸侯卿大夫士所得同用之。特自八以下。佾數有差等耳。今言萬舞有奕。正謂文武迭用而有。序。豈天下未為周。而是舞之名。已見於前代乎。○安成劉氏曰。

周制宗廟九獻之次。尸未入前。平裸於奠以降神。一獻也。后亞裸。二獻也。尸入。薦血。腥後。王酌泛齊。獻尸。所謂朝踐。三獻也。后酌醴齊。亞獻。亦為朝踐。四獻也。薦熟畢。王酌盞齊。獻尸。五獻也。后酌緹齊。亞獻。六獻也。皆所謂饋獻也。尸乃食訖。王更酌朝踐之泛齊。以酌尸。所謂朝獻。七獻也。后更酌饋獻之緹齊。以亞醔。所謂再獻。八獻也。又有諸臣為賓者之一獻。凡九也。若商之九獻。則未有考。○夔城朱氏曰。湯孫奚假。綏我思成。始焉人固。因樂以致其感格之效也。於赫湯孫。穆穆厥春。終焉樂固。因人而成。其和聲之美也。至於鏞鼓之鞀鞀。然而盛也。萬舞之美。美然

有次序也。則不特幽有以感乎神。而嘉賓在位。亦無不美。譯者
矣。獨言嘉賓者。尊之也。

古義。敬與容。擇。陌。韻。

自古在昔。先民有作。溫恭朝夕。執事有恪。

恪。敬也。言恭敬之道。古人所行。不可忘也。閔馬父曰。先聖王之

傳。恭猶不敢專。稱曰自古。古曰在昔。昔曰先民。

疏。義祭將畢。而思古人之教。蓋恐禮行既久而式有愆也。事有

終始。敬無間斷。於此可見。

通解。注。古人所行。行字正。先民有作。作字下二句。皆有作底事。

言恭敬之道○古人所行○正解本文○不可忘也○意在言外○
麟按此一節○正欲說却○不盡故佳○古義作恪○集韻

顧予烝嘗湯孫之將

將○奉也○言湯其尚顧我烝嘗哉○此湯孫之所奉者○致其丁寧之
意○庶幾其顧之也○

疏義律不款非類○故曰此湯孫之所將也○則祖孫之間○精神相
感○其享之也○必然矣○

麟按古義嘗將陽韻詩一章而為五節○蓋皆以韻為界也○然段
落適當爾○益可信○余奇叶轉折之說○

卷之九

卷之九

卷之九

那一章二十二句

閔馬父曰、正考甫較商之名頌、以那為首、其輯之亂曰云云、即此詩也。

孔疏正考父考較商之名頌十二篇於周之太師、以那為首、魯語文也、韋昭云、名頌、頌之美者。

大全國語魯語注、閔馬父魯大夫。

嗟嗟烈祖、有秩斯秬、申錫無疆、及爾斯所。

賦也、烈祖、湯也、秩、常申重也、爾、主祭之君、蓋自歌者指之也、斯、猶言此處也。○此亦祀成湯之樂、言嗟嗟烈祖、有秩秩無窮。

之福。可以申錫於無疆。是以及於爾。今王之所。而修其祭祀。如下所云也。

大全安成劉氏曰。頌詩所以美盛德。告成功。而皆自歌工以導。達主祭者之意也。歌工自己身而指主祭者。則曰爾。自先祖之身而指主祭者。則曰湯孫。自主祭者之身而言。則曰我。曰予。立言雖殊。所指之人則一。如上篇所稱亦然也。又如周頌。雖詩既稱天子。則固自歌工之身而指主祭者矣。下文又稱孝子。亦若此詩稱湯孫也。又稱予稱我。亦若此詩稱予我也。○華谷嚴氏曰。補傳云。言烈祖而云嗟嗟。以簡朴故也。若周頌則言於穆於

皇。近。於。文。矣。○東萊呂氏曰。及爾斯所。言流慶無窮。今方於爾
之。所。其。後。猶。未。艾。也。○所謂申錫無疆。○豐城朱氏曰。成湯以感
德。而。受。天。命。故。有。秩。秩。無。窮。之。福。可。以。申。錫。於。無。窮。爾。後。人。所
以。得。入。烈。祖。之。廟。以。奉。烈。祖。之。祭。者。是。即。其。福。之。所。及。也。○言此
以。起。下。文。之。意。

古義祐所學韻

既。載。清。酌。齊。戒。思。成。亦。有。和。羹。既。戒。既。平。醜。假。無。言。時。靡。有。爭。接
我。肴。嘉。黃。耆。無。疆。

酌。酒。齊。與。也。思。成。義。見。上。篇。和。羹。味。之。調。節。也。戒。風。戒。也。平。猶

和也。儀禮於祭祀燕享之始，每言羹定，蓋以羹熟為節，然後行禮。定即戒平之謂也。誠中庸作奏，正與上篇義同。蓋古禘禘族相近，族禘轉平而為敵耳。無言無爭，所敬而齊一也。言其載清醑而既興，我以思成矣。及違和羹而肅敬之至，則又安我以眉壽黃考之福也。

大全曹氏曰：清酒冬釀夏成，和羹釀羹也。鄭氏曰：和羹者五味調腥，熟得節也。朱子曰：鄉飲酒禮，鄉射禮，燕禮，大射儀，公食大夫禮，少牢饋食，皆曰羹定。鄭氏曰：定，猶熟也。廬陵李氏曰：不敢預勞賓，故以羹定為速賓行禮之節。東萊呂氏曰：清

醑和羹皆言祭之始也。○慶源輔氏曰：先酒而後羹亦其序也。無言則是肅敬無爭則是齊一是乃諸福之所會也。○廬陵歐陽氏曰：上言既載清醑下文亦有和羹乃是直陳祭時酒與羹爾而執事總無誼譯又不交侵其職位以見在廟之人皆肅敬而舉動得禮所以神明錫以耆壽黃考之福也。古義賚說文云賜也思成義與那篇同賚我思成者王肅云先祖賜我思之所欲成也孔穎達云神靈來至我孝子所思得成也蔡汝楠云賚我思成所謂有其誠則有其神謝顯道云祖考之精神只聚於已之精神荀悅云酸鹹甘苦不同嘉味以濟謂

之和羹。曾氏云：釧羹也。按釧羹，肉味之有菜和者，以其盛之釧
器謂之釧羹。有司徹篇所云羊釧豕釧，即所以盛羊豕肉之羹
者也。既戒既平者，嚴粢云：其事既戒，謹而不苟，其味既和平而
適宜。著壽以着言黃，以髮言考，以面言是。三者皆壽微也。解俱
見南山有臺篇。言廟中之人，既皆能致其誠敬，舉動得禮如此，
庶乎烈祖綏我，湯孫以猗。壽黃考之福，至於無有疆竟也。
麟按：注及進和羹進字，即中饋作奏奏字也。以此解為直捷，不
必依疏義如上篇奏假解，又增一層成平爭字，本相叶集傳云
成叶音常，平叶音旁，爭叶音章者，以就疆字也。然今古叶七陽

八庫本轉用不足異。○無言無事。或分主祭助祭言。如歐陽說。及古義則專指助祭言。蓋毛鄭訓駁為總相。仍如此耳。今疑尺。渾成言之尤妙。

約軼錯衡。八鸞。鶴。以假以享。我受命溥將。○天降康。豐年穰穰。來假來饗。降福無疆。

約軼錯衡。八鸞。見采芑篇。鶴。見載見篇。言助祭之諸侯。乘是車。以假以享於祖宗之廟也。溥。廣。將。大也。穰。穰。多也。言我受命既廣大。而天降以豐年黍稷之多。使得以祭也。假之而祖考來假。享之而祖考來饗。則降福無疆矣。

疏義降神曰假、獻神曰享、即上文載清酌進和羹之事也。○此詩三無疆、申錫無疆、前日之福及于今、黃耆無疆、今日之福及于後、皆言久也。降福無疆、則因感格祖宗之易、而見今日之福甚大耳。福之失者、亦可謂之無疆矣。

大全慶源輔氏曰、約軼錯衡、八鸞鶴、總言助祭之諸侯、那則專言先代之後耳。○曹氏曰、諸侯助祭者如此、是我之受命大得萬國之歡心、以事其先王也。○東萊呂氏曰、豐年穰穰、言時和歲豐、祭禮得成、所謂可以備物者也。○新安胡氏曰、歐陽氏云、上言以享者、謂諸侯來助致享于神也。下云來饗者、謂神來

至而歆享也。以假來假其義亦然。
麟按此節亦斷以兩句一連四句一截說。玩其文體以假以享
來假來享亦近於相對也。切不可依通解泥注。將我受命傳將
句連第五句說。我受命傳將正是根以假以享說耳。大全嘗注
頗雜為俗說之備。今改定降福無疆亦只根來假來享說。
顧子烝嘗湯孫之將。

說見前篇。

通解上既曰齊我思成矣。曰饗我者壽考無疆矣。曰降福無
疆矣。此又曰顧我烝嘗何也。蓋祖考雖享而考孫之心未敢必

其享也。故又致其丁寧之意如此。

古義愚按此二語雖與那篇結語相同，而意微有別。彼重在孫之一字，謂以一氣感通也。此重在烝嘗二字，謂成時時動於祭祀如此，當為烈祖之所鑒念也。

麟按此詩四節，自既載清酏以下三節，皆一韻又一體。

烈祖一章二十二句

大全虞源輔氏曰：那與烈祖皆祀成湯之樂，然那詩則專言樂聲，至烈祖則及夫酒饌焉。商人尚聲，豈始作樂之時則歌，那既祭而後歌，烈祖歟。大抵商頌簡古難看，辭斷而

意續、無讀自見、

天命玄鳥降而生商、宅殷土芒芒、古帝命武湯、正域彼四方、
賦也、玄鳥、鳥也、春分玄鳥降、高辛氏之妃有娥氏、女簡狄、祈於
郊禘、飢遺卵、簡狄吞之而生契、其後世遂為有商氏、以有天下、
事見史記、宅、居也、殷、地名、芒芒、大貌、古、猶昔也、帝、上帝也、武湯、
以其有武德、號之也、正、治也、域、封境也、○此亦祭祀宗廟之樂、
而進敘商人之所由生、以及其有天下之初也、
孔疏釋鳥云、燕、鳥也、色玄、故又名為玄鳥、毛氏不信、織緯、以天
無命、為生人之理、則是以玄鳥至日祈而得之也、記其祈福之

時、美其得天之命、故言天命玄鳥、玄鳥之來、非從天至、而謂之降者、重之、若自天來然、月令季春戴勝降於桑、注云、是時指在桑言降者、若始自天來、重之、故稱降也、鄭以中候契握云、玄鳥翔水、遺卵流、娥簡吞之、生契、封殷本紀云、簡狄行浴、見玄鳥墮其卵、簡狄取吞之、因孕生契、此二文及諸緯候、言吞亂生契者、多矣、故鄭據之、

呂記李氏曰、正域彼四方、正其四方之疆域、

疏義芒芒大貌、言封商而為大國、○追述之、故稱古、言天、又言帝、互文也、

大全華谷嚴氏曰、契封於商、後因以為一代之號、言生商謂生契也。○曹氏曰、書曰、惟我商王有昭聖武、長發曰、武王載旆有虔秉鉞、湯曰、吾甚武、自號曰武王、故此稱爲武湯也。○安成劉氏曰、此詩推本商人生於玄鳥、猶生民推本周人生於帝武、此詩追敘契之生、以及於湯有天下、猶閔宮追敘后稷之生、以及文武也。○豐城朱氏曰、天命有鳥降而生商、推契之所以生、固本於天命也、古帝命武湯、原湯之所以興、亦本於天命也、宅殷土芒芒、言契之受天命而奄有乎一國也、正域彼四方、言湯之受天命而奄有乎天下也、非有契以開之於

前無以為有商受命之基。非有湯以繼之於後。無以成有商興王之業。此詩人於契與湯。所以必註致其尊美。而無異辭也。

麟按此依豐城。上三句一截。下二句一截。古義陽韻。

方命厥后。奄有九有。商之先后。受命不殆。在武丁孫子。

方命厥后。四方諸侯無不受命也。九有九州也。武丁高宗也。言

商之先后受天命不危殆。故今武丁孫子猶賴其福。

疏義四方諸侯無不受命。謂受天子之命也。此一節言諸侯

無不受命。而天下無不歸商。如此可見祖宗受命甚固矣。是以

子孫永祀受福而無窮也。此上二節說先王。以下三節皆說

今嗣王以發在武丁孫子一句。

大全廬陵歐陽氏曰。曰武丁孫子。謂武丁之孫子也。

麟按武丁孫子。今說概作一人。然玩注。故今武丁孫子。猶賴其福語。必是武丁以後之詩。孫子自指主祭之嗣王而言之。不得謂專斥武丁也。且觀下大禧是來及四海來假等語。亦是上篇申錫無疆及爾斯所。以假以享。受命溥將。意為主祭嗣王。夸張而美大之。疏義大全最為分明。不知何緣。近日肆為俗解。即先后二字。說者紛紛。疏義只言祖宗言先王。極為渾成。可以不煩穿鑿也。人心土宇。肩肩分配。以應正域。似其說可信。而疏義大

全亦無頗欲并為袪去。以全大雅其段落應上兩句一截。下三句一截。下三句內先后孫子正相叶應耳。集傳有叶羽已反始叶養里反是也。古義則欲以后有讀如字屬有韻似直然麟意。此詩五節。每節為一韵。與那篇規製正合。故擬從集傳。

武丁孫子武王靡不勝。龍旂十乘。大禧是承。

武王湯號。而其後世亦以自稱也。龍旂諸侯所建交龍之旂也。大禧。黍稷也。承奉也。言武丁孫子今龍湯號者。其武無所不勝。於是諸侯無不奉黍稷以來助祭也。

疏義其武無所不勝。言天下之事無難舉者。此一節言綱王

克肖先王而有以致助祭之臣威德遠加。祀事明備如此。福之在武丁孫子可見也。

通解朱傳曰。武王湯號而其後世亦以自稱也。親後世二字則知此號者。泛指武丁之孫子而非專指武丁明矣。

麟按今繫湯稱今字亦即上節注故今字即欲以武丁孫子武正六字疊作一人。然祭及武丁而曰武丁今如此亦無此理也。且於是諸虞助祭云云如何可接。故鄒嶧山又欲即以武丁為主祭之時王。然不如前說為當矣。通解又云。湯與武丁皆賢聖之君。故言孫必曰湯孫。言孫子必曰武丁孫子。亦不必或作。

此詩正武丁一再傳之時故語如此耳。若湯為始受命之君，湯孫之稱自可施之于無窮，不得引此為例也。

邦畿千里，維民所止，肇域彼四海。

止，居、萃、開也。言王畿之內，民之所止，不過千里，而其封域則極乎四海之廣也。

疏義此一節言王畿雖有制，疆域則無限。居中而能制外如此。福之在武丁，孫子可見也。

麟按集傳海叶虎消反古義紘韵。

四海來假，來假祁祁。景員維河，殷受命咸宜。百禄是何。

詩經卷之

卷之

卷之

假與格同。祈祈衆多。貌景員維河之義。未詳。或曰景山名。商所都也。見殷武卒章。春秋傳亦曰商湯有景亳之命。是也。員與下篇幅。義同。蓋言周也。河。大河也。言景山四周皆大河也。何任也。春秋傳作荷。

大全華谷嚴氏曰。章末總美殷家前後相承受天之命。無有不宜。能負荷天之百福。謂成湯至高宗以後也。○慶源輔氏曰。此又承上而言四海之遠。諸侯無不來至。而至者祈祈然衆多。見商之所都。所謂景山者。四周皆大河。其形勢之盛。而居之安。如此。故又歎殷之受命無所不宜。此所以能負荷其百福也。

古義括地志云。宋州北五十里。大蒙城為景亳。湯所盟地。因景
山而名。寰宇記云。景山在應天府楚丘縣北三十八里。玉海云。
高四丈。今屬拱州。按宋之應天府。即今歸德府也。府城東南有
亳城。即景亳也。拱州。今為睢州。補傳云。殷都帶河。

麟按此節亦上三句一截。下二句一截。集傳何叶如字。則是與
何為韻。餘可不拘也。宜又叶牛何。已多事。森詩世學因上二句
無韻。改假為避。而和叶其加以就之。附會之甚。

亥鳥一章二十二句。

麟按以上三詩每章俱二十二句。音節之用。必有其故。然

不可考矣。

濟、摠、維、商、長、發、其、祥、洪、水、芒、芒、為、敷、下、土、方、外、大、國、是、疆、幅、隕、既、長、有、城、方、將、帝、立、于、生、商、

賦也。濟、深摠、知長、久也。方、四方也。外、七國、遠諸侯也。幅、猶言邊幅也。隕、讀作員、謂周也。有城、契之母家也。將、大也。○言商世世有濟摠之君。其受命之祥。蔡見也。久矣。方、禹治洪水。以外大國為中國之竟。而幅隕廣大之時。有城氏始大。故帝立其女之子。而造商室也。蓋契於是時。始為舜司徒。掌布五教於四方。而商之受命。實基於此。

嚴緝疏曰、有娥、契母之姓、婦人以姓為氏、

大全孔氏曰、總歎商家深智、不指斥一人也、○三山李氏曰、惟其德之深、故不溺於褊淺、惟其德之明、故不至於昏塞、商之先世、皆有深智之德、○安成劉氏曰、泛言濬哲之君、蓋自湯以上、契以下、皆是也、○曹氏曰、契雖未能有天下、然其有天下之祥、既已於堯舜之時發見矣、○慶源輔氏曰、長發其祥、則言商受天命、其發見之祥、既已遠矣、自洪水茫茫下六句、則皆述此句、○豐城朱氏曰、有商受命之祥、雖在於濬哲相繼之時、而有商受命之基、實定於有娥生商之日、必言有娥者、以契固商人之

所由生而有城又商人之所自出猶云後同周人之所由生而有邨又周人之所自出也

麟按末句孔云謂上天祐契使賢而生有商國也嚴云商者一代有天下之號生商謂生契也契封於商而商因以興是生契所以生商也古義却云帝者天之主宰篇中三舉帝皆指天享生二字連讀不與下商字相連謂其女子之所生者正指契也金履祥云生猶甥也謂帝立有城氏女所生者為商也亦妙

○玄王桓撥受小國是達受大國是達率履不越遂視既發相土烈烈海外有截

狀也。玄王，契也。玄者，深微之稱。或曰：以玄鳥降而生也。王者，追尊之號。桓，武撥治達通也。受小國，大國無所不達，言其無所不宜也。率循履禮，越過發應也。言契能循禮，不過越遠視其民，則既發以應之矣。相王，契之孫也。哉，整齊也。至是而商益大，四方諸侯歸之，截然整齊矣。其後湯以七十里起，豈嘗中衰也。與。麟按：王者追尊，不曰追王。斯酌桓撥云者，子先云當綱蒙之世，開以倫理，非武健剛果，曷能勝其任是也。受小國，大國者，才伯云契任教化之責，則四方小大之國皆其所受。達，謂教化流行無所窒礙也。率履，正是五典彼自惇意，視示法之示字同。○古

義相土、契之孫、昭明之子、鄭玄謂相土承契之業、入為王官之
伯、出長諸侯、王肅謂相土在夏、為司馬之職、掌征伐、要皆以詩
解想像之、殊無明據、竹書載帝相十五年、商侯相土作乘馬、遂
遷於商丘、與左傳言陶唐氏火正閼伯居商丘相土因之者合、
其曰作乘馬、則此詩所詠也、乘馬即甸賦也、班固漢志謂殷周
以兵定天下、立司馬之官、設六軍之衆、因井田而制軍賦、四井
為邑、四邑為丘、丘十六井也、有戎馬一匹、牛三頭、四丘為甸、甸
六十四井也、有戎馬四匹、兵車一乘、牛十二頭、甲士三人、卒七
十二人、干戈備具、是謂乘馬之法、今據竹書所載、則乘馬之法、

夏后之世相土固先為之矣。

○帝命不違。至于湯齊。湯降不違。聖教日躋。昭假遲遲。上帝是祗。帝命式于九圍。

賦也。湯齊之義未詳。蘇氏曰。至湯而王業成。與天命會也。降猶生也。遲遲久也。祗。敬。式。法也。九圍。九州也。○商之先祖。既有明德。天命未嘗去之。以至於湯。湯之生也。應期而降。適當其時。其聖教又日躋升。以。至。昭。假。在。天。久而不息。惟上帝是教。故帝命之。以為法於九州也。

孔疏謂九州為九圍者。蓋以九分天下。各為九處。規圍然。

大全華谷嚴氏曰、苟日新又日新、是聖教日濟之實。○朱子曰、湯工夫全在數字上、看來大段是一箇脩飾底人。又曰、成湯之聖、稱其德者有曰、不過聲色、不殖貨利。又曰、以義制事、以禮制心。有曰、從諫弗弗、改過弗吝。又曰、與人不求備、簡身若不及。此皆足以見其日新之實。五世所謂聖教日濟云者、則其言愈約而愈愈切矣。

○受小球大球、為下國綴旒、何天之休、不競不綽、不剛不柔、敷政優優、百禄是適。

賦也。小球大球之義未詳。或曰、小國大國所繫之玉也。鄭氏曰、

小球鎮圭只有二寸、大球大圭三尺也、皆天子之所執也、下國諸侯也、綴猶結也、旒旗之垂者也、言為天子而為諸侯所係屬、如旗之終、為旒所綴著也、何、荷、執、張、練、雙也、優優、寬裕之意、通聚也、

疏義旗之正幅為旒、

大全曹氏曰、玉藻云、笏、天子以球玉、美玉也、○周禮典瑞曰、王楯大圭、執鎮圭、注、鎮圭尺二寸、以四鎮之山為琢飾、所以鎮安四方、大圭三尺、杆上、終葵首、明無所屈也、○孔氏曰、大行人、夏考工記說旌旗之事、皆云九旒七旒、是旌旗垂者名為旒、○

谷履氏曰詩考云旗可垂為旒衆旒所著為修○慶源輔氏曰
言湯能為天子受大國小國所執之玉則為諸侯所附屬如旂
旒之與修然此皆上帝休美之命使然也然湯之負荷天休者
非有他也本其盛放只中道上行更無偏倚故其為政不强不
弱不剛不柔優游寬裕此固百福之所聚也

○受小共大共為下國駸尾何天之龍敷奏其勇不震不動不懸
不殊百禄是總

賦也小共大共駸尾之義未詳或曰小國大國所共之貢也鄭
氏曰共執也猶小球大球也蘇氏曰共珙通合珙之玉也傳曰

駿大也。厖，厚也。董氏曰：齊詩作駿駟，謂馬也。龍，寵也。教，奏其勇。猶言大進其武功也。慙，怒。疎，懼也。

嚴解今曰：無遠萬邦，惟正之供。

大全新安胡氏曰：駿駟，是喻其有力量，能負重致遠之意。下國皆於我乎負載也。○慶源輔氏曰：駿厖作大厚無意味，當從董氏說作駿厖，謂馬也。如此則與上章駿流義相類，皆是律於上。章言政事，此章言武功，先能自治，然後能進其武功也。不震動，不慙疎，即周頌所謂無貳無虞之意。臨大事固不可不懼，然神武不殺者，自然不震動，不慙疎，荷天之休，則脩政事，荷天之寵。

則進武功亦其宜也。

六帖震動有張皇輝騷意似屬太過。懸恐有惴懼畏蕙意似屬不及。當時聖人行師實是代天行事。難以臣伐君。宇宙未有人情所駭。彼直蕩然無牽無礙。不疑不沮。如著衣與飯相似。有何周章。有何退縮。故曰君子之中庸也。常人有一毫私意。便不禁震懼神氣。改常舉止。失故矣。

麟按集傳。共叶居勇反。扈叶莫孔反。龍叶丑勇反。

○武王載旆。有虔秉鉞。如火烈烈。則莫我敢曷。苞有三蘖。莫遂莫達。九有有截。韋顧既伐。昆吾夏桀。

賦也。武王湯也。虔，敬也。言恭行天討也。曷，過通。或曰：曷，誰何也。苞，本也。蕞，芴生，節蕞也。言一本生三蕞也。本則夏桀，蕞則韋也。顧也。昆吾也。皆桀之黨也。鄭氏曰：韋，韋姓。顧，昆吾，己姓。○言湯既受命，載旆秉鉞，以征不義。桀與三蕞皆不能遂其惡，而天下截然歸商矣。初伐韋，次伐顧，次伐昆吾，乃伐夏桀。當時用師之序如此。

孔疏鄭語云：杞融其後八姓，己姓昆吾，顧溫，韋姓豕韋，則商滅之矣。故知韋即豕韋，豈姓也。顧與昆吾皆己姓也。昭十八年左傳云：二日乙卯，周毛得殺毛伯過。其弘曰：毛得必亡，是昆吾裔。

之日也。移放之，以言昆吾以乙卯日亡也。是吾與桀同日誅，則桀亦以乙卯日亡。

古義按湯十一征，其見於尚書及竹書者如葛、如有雉、如荆、如溫、皆次第夷滅。獨韋、顧、昆吾三國後亡，故以蕞稱桀，樹此三國為私黨。故曰苞有三蕞也。遂即遂生復性之遂，遂即驩驩其達之遂。遂達皆從蕞字生出，句則能遂，前則能達，非三蕞所可望也。鄭云三國黨於桀，惡湯先伐韋，顧克之，昆吾夏桀，則同時誅也。按竹書桀二十八年，昆吾氏伐商，商會諸侯於景亳，遂征韋，商師取韋，遂征顧，二十九年，商師取顧，三十年，商師取昆吾，三

十一年商自陟征夏邑克昆吾大雷雨戰於鳴條夏師敗績桀
出奔三股戰於郊獲桀於焦門放之於南巢一統志云直隸大
名府滑縣古豕韋氏之國顧城在山東東昌府濮州范縣東南
五十三里濮州古顓頊之虛曰帝丘夏為昆吾氏所居桀都安
邑即今山西平陽府解州安邑縣縣北二十里有鳴條岡那國
志云安邑有昆吾亭湯伐桀處寰宇記云昆吾亭蓋湯伐桀
之時昆吾以兵助桀同時而滅故有亭非國於此

○昔在中葉有震且業允也天子降于卿士實維所衡實左右商

王

賦也。葉世震懼，葉危也。承上文而言。昔在則前乎此矣。豈謂湯之前世中衰時與？允也天子，指湯也。降言天賜之也。卿士則伊尹也。言至於湯，得伊尹而有天下也。阿衡，伊尹官號也。孔隤成湯佐命之臣，唯伊尹耳。故知阿衡是伊尹也。伊是其氏，尹正也。言其能正天下，故謂之伊尹。阿衡則其官名也。君奭曰：在昔成湯，既受命時，則有若伊尹格于皇天。在太甲時，則有若保衡格于上帝。注云：伊尹名摯，湯以為阿衡。至太甲改曰保衡。阿衡保衡，皆公官。然則伊尹摯，阿衡保衡，一人也。大金孔氏曰：言卿士者，三公兼卿士也。阿依衡平，伊尹湯阿依。

倚而取平。故以為官名。○九峰蔡氏曰：言天下之所倚平也。或曰：伊尹之號。○豐城朱氏曰：前章言湯降不遲，是湯之生不先不後，而適當其期。乃天實立之，以為興王之君也。此章言降于鄉士，是尹之生亦不先不後，而適當乎夏商革命之際。乃天實賜之，以為興王之佐也。使生湯而不生尹，則是有君無臣，而何以成興王之業。惟有湯以為之君，而又有尹以為之佐，此天命之所以集，而王業之所以成也。已上四章皆頌成湯功烈。至此乃以左右商王一語歸之阿衡。則湯固為百世不遷之烈祖，而商之子孫凡有大享於先王，則伊尹以佐命元臣得與於享，無

疑矣。

麟按集傳。衛叶戶郎反。古義葉業。葉韻子士。紙韻衛王。陽韻。

長發七章。一章八句。四章章七句。一章九句。一章六句。

序以此為大禘之詩。蓋祭其祖之所出。而以其祖配也。蘇氏曰。大禘之祭。所及者遠。故其詩歷言商之先后。又及其卿士伊尹。蓋與祭於禘者也。商書曰。茲予大享于先王。爾祖其從與享之。是禮也。豈其起於商之世歟。今按大禘不及羣廟之王。此宜為禘祭之詩。然經無明文。不可考也。禮彼殷武。奮伐荆楚。果入其阻。哀荆之旅。有哉其所。湯孫之緒。

賦也。捷疾貌。殷武。殷王之武也。采。冒。取。湯孫。謂高宗。○舊說以此為祀高宗之樂。蓋自盤庚沒而殷道衰。楚人叛之。高宗捷然用武以伐其國。入其險阻。以致其衆。盡平其地。使截然齊一。皆高宗之功也。易曰。高宗伐鬼方。三年克之。蓋謂此歟。孔疏。捷疾是速疾之意。言伐楚之疾也。荆是州名。楚是國名。荆州之楚也。周有天下。始封熊繹為楚子。於武丁之世。不知楚君何人也。采者。深入之意。遠處險阻。宜為冒突之義。故易傳為冒。嚴緝曹氏曰。捷疾貌者。言其兵威神速。所謂迅捷不及掩耳。疏。義。叛則散以亂。衰而聚之。所以致其來而平之也。○以功訓

緒緒者功之垂於後者也。○高宗伐鬼方，朱子以為荆楚。蓋荆楚之地好鬼，自古而然。下至戰國之際，猶爾。驗諸屈原九歌，可見。

大全三山李氏曰：楚為夷狄之國，世亂則先叛，世治則後服。尚室中微，往往為患。高宗所以討之。○豐氏曰：是蓋荊州之楚地，故或謂之荆楚，猶高稱殷商也。○華谷嚴氏曰：禹貢有荊州，即荆楚也。又有荆岐，則雍州之荆，詩人故以荆楚別荆岐耳。

古義按沈括謂揚州宜楊，荊州宜荆，地名因此。楚乃荆之別名，故二字通用。春秋賈氏訓詁謂秦始皇父諱楚，因亦變楚為荆。

此通用之證也。徐光啟云：荆楚左控江陵，右控黔中，南負蒼梧，北依涇塞，險阻之國。司馬遷云：夫荆楚，傑勇輕悍，好作亂，乃自古記之矣。王慎中云：方城、漢水之間，地大人衆，形阻而俗雜，介錯於商邑之坑，而近不一於夏，而非純於夷，未能以為內而不可以為外。先王固欲築圍其山川，井邑其人民，以固歲歲之舞而立長久之安，非如氏羌之荒忽，惟其來享來王而已。阻說文云：險也。增韻云：山嶽曰險，水隔曰阻。若徒言則山水通用。辭按此章六句亦兩句一連說，四五句人與地對者非是。

來五曰商是常

賦也。氏見夷狄國在西方，事獻也。世見曰王。○蘇氏曰：既克之，則告之曰：爾雖遠，亦居吾國之南耳。昔成湯之世，雖氏羌之遠，猶莫敢不來朝。曰：此商之常禮也。況汝荆楚，曷敢不至哉。

孔疏：氏見之種，漢世仍存，其居在秦隴之西，故知在西方者也。氏羌遠夷，一世而一見於王。秋官大行人云：九州之外，謂之蕃國。世一見，謂其國父死子繼，及嗣王即位，乃來朝。

大金曹氏曰：商居河雒之間，則荆楚在國南鄉。○孔氏曰：首章言伐楚之功，二章言責楚之義。

通解經云來享來王而朱傳獨以來王言蓋來王親來王也來
享亦親來享也故總曰來朝曰商曰字作氏羌之言與下稼穡
匪懈作諸侯之言一例

古義地理志云隴西郡有氏道羌道按一統志以陝西臨洮府
寧夏岷州靖虜衛文縣所四川龍州松潘疊溪皆為羌地曰自
彼者舉絕遠以例其餘見不止於氏羌觀下文莫敢字可見作
書載湯即位之次年氏羌來賓又八年初巡狩定獻令則氏羌
其先且者而其後四方諸夷始相繼而來故特舉氏羌也享記
文云獻也逸周書王會解云湯問伊尹曰諸侯來獻或無馬牛

之所生而獻遠方之物、事實相反、不利、今吾欲因其地勢所有
獻之、必易得而不貴、其為四方獻、今伊尹受命、於是為四方令
曰、臣請正東、符婁九州、伊慮、涇、深、九、夷、十、蠻、越、涇、精、文、身、請、令
以魚支之、輅、劍、劍之、皆、紋、紋、利、劍、為、獻、正、南、甌、鄒、桂、圓、損、子、產
里、百、濮、九、困、請、令、以、珠、璣、瑇、瑁、象、齒、文、犀、翠、羽、菌、鶴、短、狗、為、獻、
正、西、鳧、翫、狗、圖、鬼、視、枳、已、聞、耳、貢、胸、摩、魁、離、丘、漆、齒、請、令、以、丹
青、白、氈、純、罽、江、愿、龍、角、祥、龜、為、獻、正、北、空、同、大、夏、莎、車、沽、化、旦
暮、貌、胡、戎、程、句、奴、樓、煩、月、氏、穢、犂、其、龍、東、胡、請、令、以、案、駝、白、玉
野、馬、胸、膝、駝、腿、良、弓、為、獻、湯、曰、善、按、此、則、氏、羌、荆、楚、之、類、各

依其方所有之物為貢，皆在其中矣。

○天命多辟，設都于禹之績。歲事來辟，勿予禍適。稼穡匪解，賦也多辟。諸侯也來辟，來王也。適，誦通。○言天命諸侯各建都邑於其所治之地，而皆以歲事來。至於商以祈王之不譴，曰我之稼穡不敢解也。庶可以免咎矣。言荆楚既平，而諸侯畏服也。○
大全曹氏曰：說命云：明王奉若天道，建邦設都，則多辟難受封於天子。實天所命也。益稷云：禹荒度土功，弼成五服，至於五千，州十有二師，外薄四海，咸建五長，則諸侯設都之地，皆為之功也。

通解此諸侯脩歲事之常而獨以稼穡匪懈言舉其重也觀孟子載天子巡狩惟以土地田野為慶讓之先可見

六帖凡遠近之人犇勢相應內不足而遠攻則近者伏而伺隙內有餘而遠服則近者畏而銷萌荆楚平而諸侯朝勢便之也勿予禍譎二句云不敢言功也聊以免罪云耳稟稟之意形於辭色句法妙品

古義歲事如周禮春朝夏宗秋覲冬遇之類其來以時故曰歲事即朝覲述職也與來享來王不同禍說文云害也劉熙云毀也言毀滅也適通作譎說文云罰也禍重而譎輕

麟按集傳解叶訖力反。

○天命降監。下民有嚴。不僭不濫。不敢怠違。命于下國。封建厥福。賦也。監。視。嚴。威也。僭。賞之。差也。濫。刑之。過也。違。徼。封。大也。○言天命降監。不在乎他。皆在民之視聽。則下民亦有嚴矣。惟賞不僭。刑不濫。而不敢迨違。則天命之以天下。而大建其福。此高宗所以受命而中興也。

孔疏左傳曰。善為國者。賞不僭。刑不濫。賞僭。懼及淫人。刑濫。懼及善人。彼文又引此詩也。定四年左傳曰。吳為討水長蛇。是封為大之義。

麟按集傳。福叶筆力反。

○商邑翼翼。四方之極。赫赫厥聲。濯濯厥靈。壽考且寧。以保我後生。

賦也。商邑。王都也。翼翼。整敎貌。極。美也。赫赫。顯威也。濯濯。光明也。言高宗中興之盛如此。壽考。且寧。云者。蓋高宗之享國五十有九年。我後生。謂後嗣子孫也。

六帖。故商邑也。中興之後。百度修庶。政舉。便自改觀耳。

古義。赫。大威貌。大事言屬火。故曰赫赫。濯。說文云。澣也。毛萇云。神之精明。稱靈中表之後。氣象更新。如新沐新浴者然。故曰濯。

濯身壽考、則經營必周、世治安、則靈長未艾、

○陟彼景山、松柏丸丸、是斲是遷、方斲是虔、松楠有樅、旅楹有閑、
寢成孔安、

賦也、景山名、商所都也、丸丸直也、遷徙方正也、虔亦裁也、樅長貌、旅衆也、閑閑然而大也、寢廟中之寢也、安所以安高宗之神也、此蓋特為百世不遷之廟、不在三昭三穆之數、既成始祔而祭之、之詩也、然此章與闕宮之卒章文意略同、未詳何謂、

輯錄高宗七世親畫而立廟、此詩其作於帝乙之世乎、

大全墨山謝氏曰、登彼景山、而選材、取松柏之易直者、斲之遷、

之以繩墨於方正而新削之以松為楹楹有斲然而長以松為
為象楹有闢然而大○慶源輔氏曰材植之美規模之宏此高
宗之神之所安也言其有以當之矣○安成劉氏曰商書曰七
世之廟可以觀德蓋天子七廟三昭三穆與太祖之廟而七八
世九世而後隨其昭穆親盡遞遷其主而祧於太祖之廟其有
功德之君則後世宗之雖親盡而不祧別立百世不遷之廟而
特附其主焉凡有功德者皆然初不可預限其數而商則止有
三宗高宗即其一也然嘗疑高宗之廟未知立於何所三宗之
後昭穆當祧者未知入於何廟竊意所立三宗中宗當穆高宗

祖甲當臨各隨昭穆之位特立其廟於太祖廟之兩傍三昭三穆之上如周文武世室之位也中宗之後則羣穆繼之者皆祧於其廟高宗祖甲之後則羣昭繼之者皆祧於其廟如周自文王以後羣穆祧於文世室自武王以後羣昭祧於武世室也

殷武六章三章章六句二章章七句一章五句

大全安成劉氏曰此詩與閟宮全篇文意皆有相似者但閟宮為頌僖公脩宗廟而作殷武為宗武丁特立廟而作故閟宮所以頌僖公服夷樂享福壽者皆未然之期望而此詩所以頌武丁服夷夏享福壽者皆已然之實事卒章

則皆述其作廟之事以結之。
商頌五篇，十六卷，一百五十四。

詩經說約卷之二十八終